



州文表

王秋澗
字文靖



中州名賢文表卷二十七

內集

姑蘇劉昌欽謨

王文定公

秋澗集

碑誌

大都復虞帝廟碑

幽陵之祠虞帝所從來綿邈廟據金故苑西北維兵

後廢不治獨唐貞元間復廟碑宛在顏真卿人屢欲

易去龕焉以它用主者心懍恍若有儆動迺已厥後

道士陳志玄直廟西百舉武起真陽觀為長春別院

復購焉約不犯元刻用石背勒營建本始備力來徙

碑與跌圻身挺植重不克舉仆道士惕息磬折向碑
祝曰今神顯思若是願置安處且遠荒穢尚敢他用
以黷聖靈神惟降監庶畢茲志安載而去吁亦異哉
初樞密趙公良弼嘗建學宮於鄉縣求志玄為工師
既迄功以徒碑事蹟來告公曰嗚呼噫嘻皇季休哉
惟帝明德萬古是式况異土茫茫析而為幽州者帝
之所經畫宜乎燕人祠饗不忘廟屢廢而旋復也又
遺碑巋然自唐歷五代遼金當大元戊寅凡五百有
餘歲神物護持俾勿懷汝歸興復之責不在師乎志
玄曰唯即以道宮不構作新廟而奉黼袞焉既而趙

公將志玄之懇以復廟記見其辭辨乎稽首而颺言
曰日月星辰帝文明也君臣父子帝彝倫也山川風
土帝疆域也是則教所暨巍巍乎與天地同休孰
能名而能報哉今志玄黃冠師因趙公一言而復數
百年之舊俾來者瞻天就日知慕帝德如蟻之赴羶
可謂推原道本敬其所當敬乃知天理之在人心者
曾一息而罔斷邪至於稽古樂善因機就功毗贊皇
猷思成比封之美又以見趙公事君治民孳孳焉以
堯舜之道為其心者也誠宜特書以詔來哲仍繫樂
章使都人歲時祀饗登以歌焉其詞曰

帝臨諸侯東方人兮幽幽深山鹿豕群兮耕稼陶漁
 至為海兮風動八區柔一义兮矧惟析津帝經制兮
 物不苦絃化土泥兮聖靈在天濡鴻私兮阜財鮮温
 南薰時兮魚飛魚躍日用而不知兮風移俗遷天理
 存厥靈兮燕人懷思歌明德而祠兮八音庭陳鳳來
 儀兮九疑雲深望回旅兮我賡九歌言匪空兮皇天
 降衷克綏惟帝祖兮爾彼下民中膏其鮮充兮嗚呼
 而能一天下之慮免執其中兮

平陽府臨汾縣重修后土廟碑

平陽府治之西有鄉曰晉源帶汾河表姑村林靈櫛

比泉流交貫無寸壤閑曠山霏夕景杳鵲如畫故河
 東稱膏腴勝槩之地于斯為最風俗率勤儉盡地利
 憂深思遠有陶唐之遺化焉用是富庶而事神報本
 之禮尤恪歲時覃出惟恐居後豈終歲之勞一日蜡
 者之意歟樊氏里后土祠其來浸邈蒼煙喬木輪囷
 離披已百餘年物也兵燼來雖正寢歸然日就蕪圯
 里中父老某等憫其若是乃諭于眾曰吾黨仰滋天
 休取足厚載歲比豐穰人用樂胥可不知其自邪今
 神庭未備不足妥靈揭虔其謂我何咸儆懼聞命相
 與經畫起廢完故益新智者作其謀富者資其用取

材于河陶甃于野礪礎于山然後工者輸乎巧壯者服其役營務既興先後有叙於是繚重垣建臺門作重寢列兩序樹庭屏凡三十八楹丹刻翬飛輪煥離立其配侍法從之屬旒纛儀衛之數金碧絢爛森布左右莫不畢備遊人過客載瞻載儀溪山草木亦為動色九費泉幣僅萬疋既落成某人等以禮幣求文於予將以幽贊神明紀夫廟貌興衰之自謹按汾陰后土祠乃魏邲丘之制其典秩華縟肇於漢武元鼎行幸之初千載而下令人歌秋風之辭詠汾陰之曲想夫泛樓船濟汾河千乘萬騎威靈震赫回旌趾躄

躬祀睢上祈穀報功於是乎在故歷代因仍以為聲明盛事曠古當然之典是則崇奉者國家之事非鄉民所得擬也以理究之神睢者即有國之大社而社者自天子至於鄉遂皆得置而通祀第禮文制節有隆殺之異爾况土為神廣大博厚無所往而不在又汾陰在晉為屬邑以茲為離宮異館神游美報之所其誰曰不然嗚呼三代已降教化衰而禮樂廢禮樂廢而祀典亡林林總總之民物則既戕心惑所嚮有射利徼福而已故祀非其類僥倖於萬一者胡可勝數今冀方之民獨能敦本返始奉所當祀俾歷世相

承之俗敬恭誠潔永永是尊以谷高廩無疆之休較
夫淫祀野祭者可謂知所嚮矣乃為作送迎神辭春
祈秋報歌以祀云其辭曰

汾流兮容與林葩兮綉組被汾兮一曲坎坎兮擊鼓
薦瓊芳奠桂醕俟神來欣樂胥芳菲菲兮滿堂偃金
枝兮翠羽報神德兮德何溥

右迎神

淡林扃兮山煙乘回風兮雲輶神欲旋兮何邁奄上
征兮朝元衆紛舞兮羅拜欲神留兮無言望極浦兮
渺渺愁予目兮娟娟神篤我祐兮歲有年

右送神

絳州重修夫子廟碑

絳為州甚劇其地蓄河山之潤總六縣以三萬戶為
河東冠俗剛儉尚氣義奄焉有三晉餘習州治民廬
高下覆壓蟠踞枕跨崗陵是依獨天子廟學據城之
東北隅爽朗夷衍真澤宮甚宜而素汾北來盤折容
與帶郡城而西望之一泮水然廢撤既久葺為榛墟
逮州將履澤郭公來始圖興復遂起大成殿泮宮門
各三楹甫朽棧而公卒漠然狼藉者蓋三年于茲噫
將有待而然邪至元九年秋奉議馬公來尹斯郡既

謁告顧瞻咨嗟憫夫垂成之功日就侈剝乃以完故
益新為任於是完正殿壯臺門創兩序允就屋五十
餘楹層棟軒翥堆陸整削松栢有鳥碩碩其庭中設
素王像以顏孟十哲配侍左右東西兩廡繪六十二
子及大儒二十有四衣冕員裳峨峨奉璋奎璧輝映
煥焉有光廟既成適選舉令下士子來歸洋洋滿庠
既而衆議以州之治化及民者非一其大者著者可
無聞於右來謁文於余因勉為撰述且寓夫子之所
感焉嗚呼三代之治道莫先於教學無重於育材材
弗育則用乏其人民失化則不明乎善善不明則民

入於僻民蕩於僻則幾何不為禽犢也哀哉欲求吏
之良政之善胡可得已若天天地縕細山川開闔蟠
精粹靈非有今昔醇醜之間人之秉彝具存天之生
材不乏然氣之不充俗之不美者特以教之無素養
之未至耳今國家崇聖道開化源建辟靡於京師立
學師於鄉遂顓本業者復其身鳴一藝者無不庸是
則大易人文之化菁莪樂育之方靡不備至柰何吏
治者鮮推其本以簿書獄訟是務為士者不思根極
聖道以大學自任區區從事於章句之末是不副上
之所求所望焉而曰道不明秦無人也宜矣尹蚤以

內 集 卷之二十一 陽 惠 寫

學術侍彤庭歷臺閣熟其然故下車之初首事學校作新士民耳目至成就若爾可謂能也已尹諱

郡人既書其興建本末而繫之以詩其辭曰

厥初生民秉彝昭融物慾外遷良心蔽蒙於鑠元聖乃大有覺何効何則而先乎學于嗟叔世降及漢唐道統湮微締文繪章士鷲此一言吏昧厥治朝夕孜孜匪不摩勵科學異端簿書期會愚者不及淪於自棄聖不世出發越道源此糠虛文浩浩其天廟官之建序庠是宣穆穆睿思音茲在焉而吏而士尚克勉旃盤盤闕宮完故益新馬公之功本既立矣道由生矣

眎為餽羊乃予之耻

絳州曲沃縣新修宣聖廟碑

曲沃縣學舊矣始完於宋嘉祐初盛於金泰和間貞祐之兵蕩焉無餘前政苟訛初不遑卹園蔬與感薪刈其下者幾五十祀逮至元己巳邑尹石抹公慨然以圖復為事工垂構而去尹侯簿賈天衢相與顧歎曰蕭武弁能是烏可不卒其美然澤宮故地庫陋湫隘不足奠安神觀聳邦民瞻相治城西北陬勢夷且爽遂增崇前規而敞其禮殿焉既落成董事者許良等感蕭君經始之勤今政贊終之善來謁文將刻石

廟庭俾造名於孫曹諸賢之列用垂示來哲竊不自
揆敢以聖道之隆汚廟學之本末互陳而歷告之三
代之世家有塾黨有庠術有序國有學以師以令肄
俊造其中時書歲考小大有成然後賓而興之其典
則六德六行其藝則禮樂射御書數然不可不知其
所自故聖學釋菜奠幣於先聖先師示不忘本也彼
朝夕見瞻無非智仁聖義忠和孝友睦婣任卹之方
凡邪說設行放蕩僻異之術非可輔世教明人倫者
率屏絕不容髮其間故三代道出一致有學而無廟
則衰亡者迹熄生民不被庠序之教天理茫昧心喪

厥守異端百家之說乘隙並鶩不無厖雜壅底之蔽
此太史公讀功令未嘗不廢書而嘆也及漢興學館
林如鴻儒繼作師傳業受學古蒞官守其說而不易
故謀王體斷國論一以經旨為據于時公卿大夫士
吏文學氣節雲蒸霧散彬彬然幾三代之風何其盛
哉此無佗聖道明而百家自息也逮魏晉隋唐以來
慕高尚者以虛無為宗干利祿者以科舉為業其視
窮理正心修己治人之道懵不知為何事時則三物
之教弗明于上先王之澤不及乎下單為廟祀尊孔
氏而王之三代教育之實泯泯掃地矣所謂有廟而

無學問有卓越特達之士出艾夷浮學羽翼聖道為
任然莫能拯起其弊而全濟其溺者何哉蓋道之隆
污學之盛衰一繫夫王政好尚而為之有無也嗚呼
三代吾不得而見之得見兩漢斯可矣今國家昭至
德建民極勸學敦農崇化厲賢凡可以風四方而開
太平之基者靡不興舉故經明行修之士徃徃負興
天府擢位卿相以心正意誠國治天下平之道已嘗
佐天子而理百官矣士之不志於古則已苟志於古
舍斯時之易將何所求所待焉曲沃自昔以劇稱土
腴物阜為絳諸縣甲俗剛僉力穡尚氣義憂深思遠
奄焉有唐晉餘烈尤不可後者教也本既立矣道由
生矣師帥者能仰體上之所嚮以明倫實教作新士
民耳目俾知所以學異時人材輩出斌斌然追兩漢
之風孰謂不張本於斯邪不然釣采華名為餽牽告
朔之所吾不知其可也銘曰

維晉曲沃以劇稱絳山左戒汾右傾山川開闔氣上
蒸風俗勤儉餘剛稜邑居萬家業有恒既富而教迺
世程嗚呼庠序教所生石君作尹追良能奉宣德化
根以誠清廟起廢功勃興心計百至經載營惜哉垂
構任遽更後人繼之卒有成方華古礎排巨楹文棖

三百六十九
中州文苑卷之七十一
藻棟浮雲縈相前增崇尤克承教其鋪敷道日弘春
風隱耳絃歌聲始謀贊終匪自矜吏民懷感恩以銘
我詩刻石碑廟庭

解州聞喜縣重修廟學碑銘

堯舜用道以治天下孔子任道以垂萬世其所以明
倫建極論政造士述說遠懷者不外夫術有序國有
學而已後之君人者思欲化隆唐虞坐收庸易之道
舍夫子之教將安法歟我國家尊師重道明德新民
風動海寓爰自京師達於郡邑鄉遂率建教官勉士
以德趨民於學其比隆致治之意固云極矣而承宣

鼓舞寔守令之職是則道生之本教始之基其可後
而聞喜在秦曰左邑桐鄉逮漢元鼎間始易今名其
為縣漫董澤真鳴條雄盤遠帶風土夷沃通晉走蒲
古為咽會名鄉碩德代不乏人顧山川之氣鍾靈萃
秀必自人文德化薰陶涵浸者爾縣廟學舊矣枕城
之良隅地勢穹窿如神龜負圖背露淵水蒼官蒼鬱
環列庭祀秋煙古色望之儼然皆數百年物也按廟
碑由宋迄金宰是邑者增崇非一故制度宏麗甲於
諸縣遷革已來神棲碑屋幸脫煨燼然歲年綿邈人
迹罕至浸淫于壤藜草棘而宅狐狸盖有年于茲至

元己巳從仕郎張君來尹是縣首以營治為任既而
監縣事脫台簿司天祿佐史劉瑞爭出廩料資所費
而濟厥媿如椽棟桷櫨之傾腐者瓴甌階陛之缺裂
者舉易而新之復起講肄之堂齋廬之位至於神門
庖庫畦圃游息之所莫不畢備用十年春二月釋菜
禮告成厥功百年偉觀頓還于舊粵明年春史劉瑞
介汾西前尹王延年持溫國文正公學記踵門而請
曰不腆敝邑猥致力於鄉校功甫傳而尹適去烏可
俾上官之善貌焉無聞於後以職以分瑞也寔任其
責擬揭諸麗石以告來哲不肖素陋於文以懇請堅
切辭不能已敢勉為書之又竊喜幸得列名於司馬
公之下風固所願也尹晉州臨汾人諱仲祥資明良
果於從政故其為善卓卓有成也如是較夫從事於
簿書期會之末者不曰有志於本知教之所基者歟
誠可歌也已其辭曰

維漢聞喜古桐鄉東浸董澤南條崗千年喬木爍煙
蒼廟宮盤盤枕艮方平時餘誦溢兩庠代不乏賢古
明良如儉顯魏度相唐風雲感會龍鳳讓至今德業
何昭彰神居雖存地土荒蕪萊没人跡兇藏風雨穿
漏摧棟梁張君下車心慨傷首以營治如弗遑同寮

三百六十四
見義為贖襄洛嗟吾道百孔滄頤還舊觀蔚有光齋
廬有室講有堂我南走茫過此邦親覩盛事思彷徨
吾儒有例善則揚作詩豈惟示不忘士民嚮化此本
張嗚呼廟碑古甘棠

重修孤竹二賢廟碑

首陽山孤竹二賢祠肇見於李唐增隆於前宋金貞
祐末為戍兵撤而禱之國初郡人徐帥因廢基而屋
焉後四十載當至元九年玄默歲憚自御史裏行來
官河東以是年冬十有一月按部至於蒲坂適致祭
令下遂齋沐奉祝祇拜墟墓寔宜

像黜昧侈剝就滅於戲前政之不舉至於斯邪非惟
不稱明詔尊顯風烈之義而大懼不職下隕教條吏
隳不恭惡可徇狃於是祇會屬吏作新是圖資聚既
營衆工趨事仍命府掾長吳舉董治厥役改新肖像
以儼神儀逮明年夏五月復行縣次蒲吏告訖功用
六月丁亥躬率僚屬以少牢之奠敬安神棲帶河表
華新宮敞然山煙庭木奕奕動色守吏不任之責庶
乎其少塞矣知府楊居寬請書其事于石以詔來者
噫二賢聖之清者也其出處大節求仁本心興懦厲
貪之操息邪懼亂之功孔孟稱之詳矣揭若日月亘

終古而不熄小子其敢疑諸然讀黃太史所述去國
諫伐蓋宗國有不說好事者為之說耳竊有所疑焉
若曰非讓而逃國人惡而逐之烏在其為賢也且以
避紂不有其位孔子何為稱求仁得仁子貢何以審
夫子不為衛君乎至於義抗自終耻食周粟亦謂事
不經見戚哀伯何獨稱武王克商義士猶或非之不
然二賢者北自海濱聞善養來歸當周命惟新明義
崇德之世不知俯仰何所愧怍僵踣於茲山之下乎
故特表而出之必有能辨之者仍為蒲人作迎享神
辭俾歲時歌以祀焉辭曰

瓊靡潔兮蘭馨錯薇蔬兮薦神庭條之山兮河之水
迴風瀟瀟兮波瀾瀾神之遠遊兮邇何歸南斗虞舜
兮帝禹與追以暴易暴兮吾知其非國極所欽兮祀
典載熙繁非周粒兮桂酒芬菲民之載神兮清風庶
幾偃迴旆兮入室陳鐘鼓兮載考載擊千秋兮萬歲
於焉兮永息

衛州創建紫極宮碑銘

維衛紫極道宮全真師冲虛子房公所勅建也初公
既叅丘尊師於海上長春目其氣志非凡殊稱異之
居無幾何命公主馬坊之清真觀迨國朝壬寅歲聊

攝趙侯請師住持郡之玄都宮於是鶴馭東遊道出
弊邑汲長趙實扈林聞師道價重一時以治城崇道
里隙地廣六十舉武縱則倍之奉師為玄覽別館訖
然許焉輟其徒張志洞等結茆以居嘗闕地得石上
刻宋太宰張邦昌詩什知為吳越錢氏子孫康華庵
故基也師留博僅紀而西還淇上方履滿戶外每以
居逸教無為慮因集其徒而告曰吾大方家雖清虛
自然為宗要以應時衍化為重詎容山林長往歸潔
一已乎且吾行天下多矣未若衛之士中而處會俗
美而易化不於焉闡吾教尚何往然祝延寶供香火

焚修之所非大壯麗不足以張皇教基竦道俗瞻敬
之心也迺命門徒孟志玄趙志朴率眾下商洛之材
跋涉艱阻以歲月得木萬計遂建正殿七鉅楹內設
三清大像示至道之原也中起通明觀以奉玉皇黼
宸欽天帝之尊也後復作七真殿五筵叙列仙品見
玄教之傳也下至壇墀神闈齋室庖湑廡庫蔬圃莫
不畢舉師素負巧思志堅而氣充規撫位置意匠中
定不待畫宮于堵而為執用者之法要使堅完鞏固
為數百年物尋師委蛻仙去遺命志朴等曰今大功
將集無以吾存歿而作有間勉強前修以卒吾志故

志朴等三十年間焦心勞思攻苦食淡繼述師訓猶一日然今則繪彩供帳截然一新金光五雲絢爛溢目宏麗靖深為一方偉觀其工費之廣自力其力初不外假而衆忘勞焉實經始於壬子之春迨至元甲申秋工告迄功志朴乃件古師之行業與夫興造本末踵門磬折謁予文者再余以鄉梓盛蹟且與師有玄談之雅勉為叙次之師諱志起濰州昌邑人幼業儒既而以異夢有覺遂入道為人氣貌魁竒操行清峻通古今善篆楷樂與名工夫遊至於醮祭之獲福雲鶴之顯異所在驚動世之耳目者為多遺山謂師

外朴而內敏質直而尚義似夫墨名而儒實者蓋確論云宜其事業成就如此至元戊寅志朴以師德請于朝蒙敕定僊號曰弘真體靜真人若志朴者於師弟子之禮始終盡矣尚猶以師不覩道緣大成為歆予慰之曰不然昔真人舍清真而遊博去博而終稅駕于衛今雖神遊無方其眷戀於此也必矣况共衛間名山勝境固為小有洞天如玄元化現於仙山公和舒嘯於蘇門海蟾留題於白鶴仙蹤靈貺前後接踵見于方志雜出于傳記之說者昭昭矣異時馭風騎氣追陪真仙安知不過故山而留語俯華表而增

懷而為孫劉絕塵之舉也邪仍作歌詩詳見師志俾
刻諸樂石雖綿亘千祀庶幾來者有所考焉其辭曰
道家者流本靜清杳冥而無迹與形密慈尚儉貴不
爭茲乃黃老之常經有時土苴為世程祈禳醮祭由
是生像緣教設雖強名雄樓傑觀爭崢嶸猗嗟先生
起營陵魁偉德業玄門英至人未免安儻行河山兩
戒磴金庭方花古礎排巨楹紫雲為蓋青雲城市群仙
媿統湏皇靈紫垣落落羅天星先生演化意有徵後
孰港焉先此營庶用張本道可興陰助政治歌清寧
大緣未竟歛上昇門人攀慕涕雨零歲察月積大有

大元國大都創建天慶寺碑銘并序

成惜不久視為宗盟仙宮洞房本不禱神遊八表風
泠泠來過故國宜少停紫極夜氣開蓬瀛追攀逸駕
非吾能尚想為國儲休禎風時雨若穀不螟下洗澆
俗還淳誠我詩刻石何千齡要作華表歸來銘

大雄氏之為教如慈雲慧日覆燾無際惟得其人道
乃大行宮居像設亦從而熾盛之我國家鼎定全燕
教隆內典故精藍勝剎粧嚴寶界金碧相望有佛國
大乘氣象維未泰寺肇基自遼彌陀者泰之別院也
大安兵燼廢撤不存鞠為茂草者五十餘年大元至

元壬申有僧雪堂者始來結菴而主之先是師業嗣法猶窳潛天德以經戒嚴機鋒峻越在雲朔名動京師嘗假息間有以天慶名所棲而告之者初不諭其故既而駙馬高唐郡王聞師名德喜之既觀止即依慈蔭扣真詮師順事隨方日有所覺以至承嘖獲譴非罪而罹苦毒者因聞一言多所縱釋其後王請師住豐之法藏院仍贈貝錦法衣用著顯異尋以道行上聞有詔所在護持及觀光大都郡王迺出重幣易是院為師待問駐錫之所與其徒奉香火修潔精進而已至於建大道場擴充無量功德蓋遵養而有俟

也逮甲申冬皇孫紺麻刺以師持誦保釐故欲辟靜室處之官府辭不可翼日出貨泉二千五百緡泊名騾二仍諭留守段禎詹事丞張九思即所居庀徒歲事起三大士正殿文室七巨楹下至門間庖湍賓客之所略皆完美始於乙酉之春成於丙戌秋仲役初作闕地得廢鍾所刻天慶二字考之蓋有遼建號也事寔既協即為新寺名額於是倚碎像於金光沸潮音於空際有來諸天普臨雙樹顧誕永泰廢餘復為清涼法觀矣後三歲奉皇孫奩香禮江浙名利起造藏經師冒涉江湖往返萬里存神過化高風所及奔

丙集

卷十七

呈

陰刑

寫

四百个
走供養且有金仙通靈加監主護之應吁亦異哉凡
得經四藏計二萬八千餘卷分貯大都之開泰天慶
沐浴之惠安法祥及永豐法藏院仍以法物付之使
人無南北通暢玄風壽聖皇替寶緒天花雨紛梵唱
雷動日開八方之供者此師之所圖惟也宜其經來
神衛號應基先雖老栢重榮神松回指有不是過者
遂不千里遠持待制王之綱事狀以寺碑來請曰山
僧空踈無足比數以義以契尚憲使與顧以銘章貺
之始終之願畢矣予以師意儒學有器識所交皆藩
維大臣文武豪士綴急於士大夫周旋不榮悴間解

紛振之要有實效於去來其間殆雲凝而風休也嘗
即寺雅集自鹿菴江山二大老已下至野齋東林凡
一十九人作為文定道其不凡時方之廬阜蓮社云
是亦將因儒釋僧之特達者也宜其行業成就如此
固可以著金石而垂不朽矣師諱普仁字仲山姓張
氏雪堂其道號也世為許昌人父世榮官至豐州司
錄然軍母夾谷氏師生有禎祥甫毀亂不葺酒齋初
祝於壽峯湛老再具戒于竹林雲和尚及叅永泰
公一見器異即蒙印可至有機鋒洒落瑩徹水輪
嶺嶽光騰星緯之諭贊派出臨濟第而上之師

乃慧照十九代孫也過鎮陽樹碑表行濟源接派以
昭其本於尊祖追遠光又赫焉余嘗論天下之事雖
小大有殊醜酢注措皆有本末就釋氏教論之佛法
言本也塔廟者末也崇其末而遺其本求進於道亦
以難矣若師也可謂持用有方審所先後者哉乃隨
言讚頌而作偈曰

道之於天物生而靜乃本然扶持有術繫後
信惟即日遠湮其言奪攘矯虔紛目前佛乘自西來
竺一亂茲世濟度心為先衆生迷惑不知覺沉溺苦海
甘流渾人安得以手濟必法為柁經為舩奉持頂

戴破黑業火宅變幻生青蓮龍宮紺殿儘瞻禮貝香
須滿黃金田阿師振錫下南海豈為頭角爭昂軒向
來四萬八千偈重與震旦開經筵燕豐汴洛還舊貫
佛界珠網搖秋煙群昏再曉棲至善如夢日月金沙
淵漢人得經纒四十未若此舉思無邊功圓行滿師
不有歸之帝孫祈永年八方奠枕磐石靖天子萬壽
南山堅聖孫神子麗不億惟城惟藩復惟宣歸來文
室炷香坐但覺鍾鼓清而圓從此婆羅雙樹底知師
澄定草鞋禪

渾源劉氏世德碑銘并序

金源氏崛起海東當天會間方域甫定即設科取士
急於得賢故文風振而人材輩出治具張而紀綱不
紊有國雖餘百年典章文物至比隆唐宋之盛若夫
篤志力學挾藝應選首破天荒魁冠多士父子昆季
相繼擢第為名士夫作良牧守文行端雅門第清峻
為金朝第一流者其作渾源劉氏乎劉氏出彭城望
族五季板蕩播遷朔土遼末遠祖諱用者居弘州順
聖縣之耀武關世業耕稼生子翰贈承德郎配張氏
追封彭城郡太君生拙字仲謙即今監察御史鄰之
高祖也始釋耒耜習進士業當遼金革命擾攘際學

未嘗一日廢天會二年肇闢科場以詞賦第一人
中選惟遼以科舉為儒學極致文體厖雜萎蕪視晚
唐五代尤為卑下公勵精種學文辭卓然天成妙絕
當世一掃假貨剽切牽合補綴之弊其後學者如孟
宗獻趙樞張景仁鄭子晦皆取法焉金國一代詞學
精切得人為盛由公有以振而起之也釋褐右拾遺
轉知天城陽曲懷仁三縣擢大理正遷平陽府判官
安東節度副使兩貳大理寺出刺石州累官中大夫
年六十三卒於位翰林學士張景仁碑其神道公性
淳厚見義固執待物誠好誘掖後進三為理官議獄

內集

中外文苑卷十一

十一

保

惠寫

主恕不屈於權貴故多平反充長於治民興利除害若嗜然然施設有條理簡便可持久所去見思圖形奉事素愛渾源山水幽勝買田家焉晚號南山翁夫人渾源雷氏北京轉運使思之女封彭城郡君生四子曰汲曰渭曰滂早世曰濬汲字伯深穎悟絕人早傳家學與弟渭同擢天德三年進士屢為州縣有聲累官朝散大夫應奉翰林文字西京路轉運司都勾判官平生寡合不羈慕郭林宗黃叔度之為人晚節倦於游宦放浪山水間以遺思讀書為樂稱西崑子述壽藏記叙其行已甚悉卒年五十八鄆王府文學

陳訥銘其墓有西崑集行於世屏山李之純引其端娶曹氏追封彭城縣君一子侃字稚川大定十年進士第積資奉直大夫豐王府文學兼記室叅軍孫一從夔字和卿奉職出身善作詩曾孫文祖渭字仲清少好學克紹箕裘既登第授承德郎知秦州隴城寨事調隰州軍事判官終朝列大夫岢嵐州刺史號

老人一子价河水泊酒監曰濬廼鄰之曾祖博學強記少有聲場屋間既而用廢入仕至安遠大將軍饒陽令配張氏封彭城縣君生四子似似儼似似字稚行宣武將軍真定府軍資庫使三子從善字澤卿

彰德府酒監從臯字平卿從契字禮卿武義將軍克
勝軍副都統孫五人曰郊武義將軍曰邳等俱早世
似字稚章孝敬友愛出於天性力學能文稱其家聲
四試于庭不偶用恩賜第授承仕郎華州教授再任
承直郎主沂水縣簿娶王氏封彭城郡太君壽五十
五終於家遺文稚深簡古有廼祖風嘗訓子孫曰為
士當先行檢如絲之潔將立其身慎無點汙汝佩吾
言則無忝矣故屏山李純甫表其竈曰善人劉公之
墓其為士夫之紀蓋可見矣一子從益字雲卿自髫
鬣時已有成人度擢大安元年進士乙科調鄆陽丞

長葛簿陳州防禦判官皆有治績投機應變措畫出
衆意表進提舉南京路推貨事丁沂水君憂起復拜
監察御史君負材尚氣資之以學欲使事業表表大
見於世一旦職與志合所言朝廷紀綱時政利病竟
與宰臣辨論得失不屈去職閑居淮陽與諸生講明
伊洛學久之選令葉縣至則鋤強剔蠹豪族惡黨禁
不敢少肆請免逋租三萬石致流民自歸者口數千
大起孔子廟既樹教本集諸生肄習其中風化大行
考課為河南最未幾召入翰林為應奉不踰月而卒
得年四十有四雷御史淵誌其墓趙翰林秉文勒銘

神道皆稱其器識明敏剛直敢言學可以輔政教材
足以濟時艱賚志以歿士論惜焉葉民至廟而祀之
孔子稱遺直遺愛者豈近是邪蓬門其自號也蓋取
南山翁誠子詩元自蓬蒿出門戶莫交門戶却蒿蓬
之句有文集十卷粹而贍通而不流類其為人內子
嚴氏封彭城縣君子二祁郁祁字京叔少穎異為學
能自刻厲有奇童自弱冠舉進士庭試失意即閉戶
讀書務窮遠大涵涵鍛淬一故意於古文間出古賦
雜說數篇李屏山趙閑閑楊吏部雷御史王溥南諸
公見之曰異才也皆倒屣出迎交口騰譽之及與御

史公退居於陳相與講明六經直探聖賢心學推於
躬行踐履自是振落英華收其真實文章議論粹然
一出於正士論咸謂得斯文命脉之傳士辰北還鄉
里躬耕自給築室榜曰歸潛歲戊戌詔試儒人先生
就試魁西京選充山西東路攷試官後征南行臺拈
合公聞其名邀至相下待以賓友凡七年而沒享年
四十有八翰林承旨王磐誌其墓娶史氏洛陽名族
一女適前監察田芝子文冕一男景山終國史院編
脩官孫一興同有神川遜士集二十二卷慶言四十
三篇歸潛志三卷行於世郁字文季亦名士中統元

年肇建中省辟左右司都事出尹新河召拜監察御史能文辭工書翰別號歸愚卒年六十一娶趙氏前禮部尚書璜之女一子景崑鄴字伯震一子景巒儼字稚昂鄰之祖也登承安二年進士第累官至中奉大夫秘書少監壬辰北渡痛宗國云亡蹈河而死配李氏封彭城郡夫人三子從禹字虞卿登正大七年辭賦第官至朝散大夫同州錄判一子曰都從愷字舜卿自幼卓犖不群稍長入鄉校擅能賦聲再舉不契就廢補官授武義將軍登封主簿已能綜覈縣務束濕吏曹人不敢以少年書生易之國初生聚稍集

遴選廉能急於撫字辟府君攝領韶州事繼真授宜陽令縣當兵後度事草創下車廉知其利病休戚斟酌而更易之允科取差徭必驗其等第俾均輸焉暇則集俊秀於縣庠講明禮義美善風俗為政才期月而頌聲四達終更授河南府路經歷素精吏事婉畫恢恢刃游餘地致六房無滯務公餘與紫陽楊文西菴楊公九山李子微薛庸齋微之觴詠於泉石間中統四年正月二十八日以疾卒於私居之正寢壽五十有五娶張氏宣德望族貞靖柔懿自在父母家已稱純孝及歸于我事舅姑恭順飲食服御非經其手

不進也終於至元二十三年十月二十日享年七十有五葬合祔子男三人鄒字君美平江路人匠提舉至元三十一年十一月以疾歿得年五十有五配段氏享年四十有九鄒表部場管勾鄒才識警敏練達時務由省掾授承務郎工部主事次陞承直郎順德路總管府判官選充監察御史女二長適渾源州王氏次適應州元帥韓公之孫孫五紹祖江浙省宣使慶祖澱山巡檢繼祖勝童乞童從稷字賢卿終濟南路儒學教授三子曰師曰彬曰郭保承奉班祗候遂州酒監一子從周字文卿劉氏先壠始葬順聖之耀

武關南山翁徙祖營於渾源縣東北黃冠鄉御史君以世故流離起先瑩於宛丘神川旅殯泗水歸愚定宅燕山令鄰奉大父中奉公衣冠及考妣柩安厝於河南北邙之原是為渾源劉氏洛陽新任鄰復欲彰先懿昭孝思圖不朽論不肖嘗問學於神川先生知其家世頗詳持張陳李趙雷王諸公金誌求述世德碑以猥列後進年迫衰謝不能發越先賢事業且何敢秉筆於諸名勝之後堅辭者久之鄰復曰金亡士之北渡者百不二三今消磨已盡求接見先輩老於文辭而最知名者莫公若也今弗惠顧則先世之事

將何於託不獲已迺採掇諸公緒餘及已之聞見而知者會歸其極而系之銘銘曰

漢庭射策貢士遺風排黜百氏仲舒是崇唐文三變敗北無從振起衰藹尊昌黎公兩公傑出莫之比隆考其胤裔孰繼芳蹤大名難再氣數奇窮金源立國網羅才雄首魁多士惟南山翁程文妙絕一世師宗當時景仰韓董攸同子孫克肖學是立憲科七決聲華摩空故家文獻泱泱大... 門卓尔世業克充言直行果節効匪躬支... 樽... 領... 時之雍賁志雖沒... 田名則鴻中奉矯矯... 賦... 大... 惟... 義... 表... 披... 忠子孫昌熾為報則豐神川乃學洞聖心明理貫道匪文... 上玉佩瓊瑤大振辭鋒導家學之淵流會百川而朝東章甫適越惜不時逢陰相同氣先志恢洪朱衣白簡乘御史驄何劉氏之多賢試紬繹其始終種德植善無踰於農立志務學祿在其中忠義仁恕傳嗣彌縫維人事之克盡見天理之昭融宜澤流渾水之源青蔚南山之峯北邙之原巋然新宮世故牽率匪忘祖封是惟金百年文宗之裔過者敬恭

中州名賢文表卷二十七

中州名賢文表卷二

四佳

王文定公

秋澗集

姑

蘇劉

昌

欽謨

題跋

跋蔡中郎隸書後

科斗書當秦有天下未盡廢而程邈易篆作隸特用
 便牘削耳逮中郎蔡邕去取丞相斯大小篆為八分
 寔秦隸書也近觀公建寧三年所書五宮功曹掾夏
 承墓表真奇筆也如夏金鑄鼎形模怪譎雖蛇神牛
 鬼尾雜百出而衣冠禮樂已胚胎乎其中所謂氣凌

內集

中州名賢文表卷二十七

一

湯

惠

寫

三百一十八个
百代筆陣堂堂者乎故書家評公書骨氣洞達爽爽
為有神宜矣昔張長史作書多先觀古鐘鼎科斗文
字遂楷法妙天下不然則無漢晉已來高古氣骨不
肖往年道出襄國讀宋文貞神道碑見其筆畫一一
涵篆隸古意廼知其言為有徵後之學者苟志於古
舍兩漢孰宗匠哉至元辛未中秋前二日同相人馬
才卿觀於省掾吳萼慶之寓舍衛人王惲斂衽書

跋中興頌

歐陽公稱浯溪頌石歲久剝裂字多訛缺獨李西臺
家藏最為完好予後得而見之宦學四方來藏魯公

書甚多茲獨闕然及調官平陽會部君和之出故家
墨刻八軸蓋浯溪臨本也命兒子孺臨摹雖精氣轉
索庶幾典刑具爾嘗聞公平生書五百餘石其風骨
氣韻率洞洞有神如忠臣正色立朝群姦魄褫又如
元氣賦物流形都異因其人而為變耳始秦越人探
丸起死不主故常在邯鄲則為帶下過洛陽則稱老
人西入秦又以嬰兒醫名也故評茲帖者謂閔偉發
揚狀巨唐中興勲德之盛豈虛言哉閑閑公偶以銀
鈎鐵畫目之恐未盡善也至元十二年乙亥歲夏四
月六日卧病中書于謝帥第之北軒

跋郎官石柱記後唐尚書右司員郎陳九言文

古人稱長史得草聖不傳之妙豈知真書在唐為一代精絕所謂能行而後善走者也曾公書學氣侔造化真楷得法多自公始郎官帖精絕為至舊刻在京兆今亡或云淪瘞廳事址下近從曹生季衡得墨本全文蓋丞相壽國高公故家物也老眼增明伏翫不置者累旬真希代寶也十有三年春正月人日題於西山之讀易龕

跋手臨懷素自叙帖

世傳懷素自叙帖有數本劉御史文季云昔吾從祖

河平君所藏本最最佳蘇才不記此云翰墨

為裝褙且為補書不白魏其標批也有杜祁公題云

狂僧草聖繼張顛卷後素題大曆年堪與儒門李

寶武功家世八相傳授又有山谷增書詩文素無可

家故物也北渡後唐金城轉侯及秘府所收俱無蘇

杜二公題跋亦非長沙真筆至元年示款九月賜

余謁左轄姚公出示太深劉公家藏帖前三十二字

亦云子美補之跋之錄今人仿像意即體精於胃

中者累月冬十月甲午是日臨瞻妍可也集畫畫畫調

利喜為臨此拙惡非所感無異其典刑云耳監察

御史汲郡王惲傳謀爾題識

題懷素草書十文後

予觀藏真大曆二年海西寺書十文後藏真筆闔
 之狀其欲對還運似斜復正筆力常其藏者
 意足而悉情如風掃雲
 得制至於氣凌雲漢
 之外者一
 精氣固
 一年正月五日風日
 中煩滯拂然

跋張嘉貞書

近攷瘞鶴銘乃知為右軍龍爪書也予所藏唐中令
 張公嘉貞北嶽廟碑其意韻骨氣敦庵古怪如衝戈
 植劍特龍爪遺法為正書之一變耳張公當開元初
 拜大將提重兵卧護北門其氣固已雄一世矣及繼
 璟而相以強敏風操聞然史臣稱公性疏簡與人交
 不疑內曠如也古人以書學為心畫故其筆不得不
 雄放竒偉象乎為人然未免夫捧心效顰也如優孟
 抵掌談話與叔敖俱化一一較之有不然者蓋其嚴
 辨有餘而高風絕塵為少衰矣戊辰中元日書

跋麻姑壇記後

歐陽永叔云仙壇記有大小二本此大書者也其興寄縹緲穠纖妍麗無不可人正如觀麻姑手爪令人背痒時不待爬搔已渙然冰釋矣魯公書大抵與兩儀渾淪千態萬狀不可端倪因其人而為變耳第記中皆懍懍不經之事公特為書之豈王中令謝太傳文彩勲名凌誇百代未害登東山而有高世雲霞之志也

題魯公書臧氏碑後

魯公書三原臧氏二碑所謂紀宗者作擘窠大字

端整而頗瀟散如羽林壘壁橫天作陣勢相戛摩中衆星爭先而色正芒寒之氣為有問耳其懷恪神道銛鋒勁書望之凜然挺植戈戟一一較之不無利鈍惜乎出秀岩臨摹使千金駿足困伏皂櫪間其超逸絕塵之想索寞無光惜哉乃知太師忠義之氣發於筆端者諒非積學而後能也至元乙亥秋七月朔得此帖於參政李公

跋竹谿所題東坡墨戲後

竹谿書所見多矣未有若此帖之真楷蕭散者大似虞中舍諫獵奏狀間以側筆學坡之媚耳乃知公當

三百五十九
大定明昌間不只以篆隸獨步於玉堂金馬矣輔之
韞積愛玩亦醉翁之意也可謂真知賞音者哉

跋孫過庭書

太宗以英偉之氣凌跨百代萬機之暇游心翰墨故
二王法書盡入秘府摹倣臨揭然後以牙籤玉軸徧
賜諸王何好尚如此其篤臣下得不從風而靡過庭
適當其時今觀此書規模步驟一宗二王得飛鳥出
林驚蛇入草之勢然點畫散落往往斷而弗連蓋體
具二王而章草為羽翼也東坡謂陶詩初若綬散不
收反復觀之乃得竒趣余於吳郡亦然但近代名公

品題不到豈具眼者未暇及之邪予特表而出之至
元辛未冬十一月二十四日與兒子孺重觀於京師
咸寧里之寓舍時雪霽氣清率爾而作汲郡王惲謹
題

跋荆公墨蹟

予嘗觀壽國高公所藏心畫水鏡知此為臨川所書
無疑雖風骨道勁而筆勢散落無繩削可據殆似公
當軸時變新法調夸毗子青苗助役無所紀極噫一
念之差至於筆墨間尚能髣髴其為人如此後之學
者處心擇術當如何哉至元壬申重陽前四日書於

平陽官舍

跋黃華墨蹟

予觀公書多矣曰黃華山主者蓋公中年筆也其格調步趨要本二王氣韻蕭散得元章之勝勁厲初不逮之然如王謝子弟以生長見聞猶足以超人群也
殷溪云

題黃華與李彥明太守一十三帖彥明係公同年友也

此數帖蓋公官翰林時書也至有飢寒之厄近在旦夕又云收拾扈從秋山貧家至甚不易令人披讀

勝嘆惋當明昌嚮文之世公以文彩風流照映一時其窘迫乃爾豈官散祿薄未為道陵所知不然貧乃士之常事造物者庸玉汝於成邪至於文翰之妙如荆金和璞自有定價不待稱而後重也

跋任龍巖烏夜啼帖

南麓書在京師為最多其擘窠大書往往體莊而神滯獨此帖豪放飛動超乎常度而木庵師謂醉後興逸妙能天成豈長沙率爾而顛字字圓轉之意邪然古人得意處非一如去年就合意居筆先乘其調利例多高風絕塵不只藉步兵作氣而能奪三軍之帥

也

跋任南麓所臨潜玳閣銘為大陽津張提舉
彦亨賦總一百八字提刑王子勉目曰數珠

帖

南麓書在金大定間號稱獨步然擘窠大書往往體
莊而神滯今觀此帖筆勢超逸氣韻蕪勝豈非抵掌
談笑善學叔敖者邪

宣聖小影後跋語

金正隆六年大學生馬雲卿筆襲封衍聖公孔元措

識題

宣聖肖像繪者非一憑聖儀四十九表擬之猶漢

之於河漢培塿之於泰山也孔氏云家廟所藏衣燕
居服顏子從行小影最為直像此本蓋再一傳也嗚
呼尊其道踐其迹是謂之恭敬不然天容日表雖參
於前而倚諸衡是不幾於黷乎至元乙亥夏四月命
士人王友仁臨寫小子惓百拜敬書

跋周處府君斬蛟圖後

役萬物而君之者莫靈於人而處尤以氣勝者也彼
司馬彤之虺郵未若神蛟之變恠也老於菟之殘猛
不減氏萬年之嘯兇也處一旦視之猶尺蠖與孤豚
耳乃知擁笈之際其氣固已蓋西戎矣然有憾無援

受制於人卒為二豎所害噫千載而下令人讀臨戎
之篇凜凜然猶有生氣其視梁王不糞土若也雲史
筆之諒有激而云

跋陶縝生菜圖

蔬果猶犬馬然以其恒見而難為工故生意彩色有
郊圃水濱之異縝之筆不見收于御譜而為金陵所
題詠所謂一椀密雲龍足以知名於當代也

跋范中立茂林秋晚圖

中立初年本學營丘極平遠炯秀之狀至於山骨鬱
茂林麓幽邃咫尺杳靄遠隔十里蒼然若太陰雷雨

不可端倪茲蓋居終古之晚正之筆也故當時有弃墨
如泥之目是知游藝宗匠前修唯其胸中自有一
天乃能造微入妙

題王生臨道子橫吹等圖後

書與畫同一開紐唐賢善臨書宋人工點本要之極
形似而出神爽為佳蒲江王生以讀書餘暇游藝丹
青於臨故為尤能蓋致思詳雅不為法度窘束筆與
意會將天機所到近為予點道子馬融橫吹營丘寒
江晚捕為可見昔龍眠作李北平射邊騎圖觀矢之
所直迺應發斃也若向作著矢狀則風斯在下矣知

三百五十二
此則能造微入妙文甫其沈潛可也丙子清明日書
于行館之敬止堂

跋秦得真墨軸後

墨之名家者唐已來不數人其難工也若是如坡公
尚煤松自劑放潘谷漆法至竈發舍焚會無倦色宜
乎秦君嗜之而不厭也蓋將紹潘張之絕藝發潛德
之幽光耶予近以沉煙實劑就龍尾石試之其黑而
能光清而不涸迺知精妙入神方駕前輩為諸公所
稱道宜矣

祭霍山祠題名

至元九年冬朝廷以郡邑鎮山大浸載諸典秩者所
司三載一祀霍岳在河東寔為靈鎮故事每歲以仲
夏土極之日用信報禮昭虔度也明年癸酉夏六月
二十二日憚行縣北走霍邑前次洪洞雨不克邁越
翼日抵趙城適嚴祀省牲之夕迺率霍州判官連漢
臣監縣事塔的尹裴國用主縣簿劉偉齋宿祠下將
事之夕霧雨交作既祀之朝陰霾四開三獻禮成冷
風肅然神峯薦嶺軒豁呈露雖韓潮陽之禮衡岳孔
廣州之祀南海不足以喻其快也陪祀者府兵曹解
禎縣佐史高政稅監張承慶邑人薛昌齡嶽廟道士

李志真興唐寺僧普光執事者史王庭玉等一十五人遂相與饜飫神貺而退承直郎平陽路總管府判官汲郡王惲題託從行者閭山張思誠子翁孺

跋唐忠祚拓條白頭翁圖

忠祚前宋人畫和畫譜有傳

前人稱忠祚畫不唯極其形似如花美而艷竹野而夫能狀物之性為好耳余尤愛其科條勁挺放筆而成得妙意於法度之外殆書家所謂錐畫沙也乃知畫與翰墨同一關紐豈虛言哉

跋楊息軒江灣漁樂圖

予初不解畫工拙非所知但開卷瀟灑見漁家風味令人渺然有江湖塵外之思不知何時得帶笠簪以駕船獨聳牙而揮車去作西溪漫叟為畫家所傳寫似亦不虛負此生矣

跋藏春劉公東亭等帖

此太保劉公書也觀其筆法若不作意故飄逸如此絕似長沙素苔磯靜釣等帖識者當以予言為不妄黃氏裝潢者能愛之以為珍藏豈性與藝習而相近然邪

自題所書草字後

今日午睡起偶作草字數行因悟筆勢貴其神速要

三百一十五
如李愬夜半乘雪出其不意乃能入懸瓠城縛取元

濟爾

題丙博陽問牛圖後

蕭曹稱漢賢相然未免有牛飲池汚之論豈狃於休
息重夫更化者乎及博陽秉鈞闢略細務每以燮和
為心神爵五鳳間蔚然有聲為中興名臣以二公較
之佐命外吉寅亮之功有足多者胡氏謂體元者人
君之事調元者宰相之職信哉彼闔里門而消疹因
淖車而被謗者坐享堂封無所事事曾不若丞相嘔
茵吏耳予適纂述調元事鑑友人敬之之子公讓請

題其後故書

題王郎中國範所藏唐翰林供奉畫玄宗幸

蜀圖

世知天寶之禍階於九齡罷相政歸楊李不知枉害
忠良一言玄宗已為聲色蠱惑其明理亂顛倒莫知
所從逮夫九縣颺馳越在草莽方思曲江忠諫遣使
祭墓嗟何及矣今觀是圖自馳出大內宮衛依然供
頓咸陽父老進說次馬嵬而六師不前痛九廟而太
子北駕至犒遣扶風躡蹻蜀道彷徨躑躅怒馬如擣
之懷去五百餘載按圖思事如在目前令人動被髮

三百二十六
伊上之感可謂畫中有史其垂戒深矣

題坡軒先生詩卷後

予嘗于鹿庵讌席見老人數輩衣冠楚楚容止足觀
當時顯宦有不復及者詢之皆前朝推釀官也而况
坡軒者乎先生在大定間調監相酒其風流文采照
映一世時賢與之不在明昌詞人之下所存片言隻
字猶當享之千金自非篤好有睨而不顧者夢卿出
將家喜詩學固能寶而藏之異時醜酒臨江助吾橫
槊之氣者不為無得於斯文也

題李懷遠事系後

李鎬字之京涿之定興人父金大定間進士第終蘭
州刺史先生姿冲澹樂山水初蘭州府君官鳳翔府
近山多勝槩公日登覽怡說至樂而忘歸自是畫品
日進北渡后留寓淇上僕猶及識之番番然一良士
也嘗作樊樓風雨春雲出谷二圖大為東瀛子蕭公
所賞識曰士夫間不多見也以門勞官至懷遠大將
軍集慶軍節度副使壽六十五卒于衛子師孟字希
賢今年七十有五為人質直好義無它腸精力強明
飲啖不少衰時時尚能浮大白酣適簪花曳杖游行
閭里予每遇諸塗更忙與從容抵掌談平日心事初

三百七十五
不以博獨而屑懷也然未免作句讀師自給其日料
焉復為一慨然耳戊子歲端月上元日秋澗老人書
且得載郡志寓居之列云

跋澹游王先生詩後

黃華先生以海嶽精英之氣發而為文章翰墨當明
昌間照映一時惟其早世識者至今惜之余向客京
師好事家屏圍幘軸無非澹游詩翰廼知老成雖遠
典刑盡見于是此幅公之老筆尤瀟灑可愛豈神完
守固氣自清明雖耄而不衰者邪戊子冬陽生后一
日秋澗惲謹題

題雲麾帖後

李北海書融液屈折紆餘妍溢一法襍飲序但放筆
差增其豪豐體使益其媚如盧絢下朝風度閑雅縈
纒回策儘有蘊藉三郎顧之不覺歎羨東坡云予書
初學李江夏后來自成一家及以雲麾帖一一較之
坡第按之稍扁而青出於藍耳蘭亭在古今為真行
之祖自太宗密尚一代學者爭師宗之然如徐季海
輩尚未免誥體之俗况餘人乎公于斯時獨能高視
遠步造微入妙臨池策勛固當為右軍忠臣矣有具
眼者出乃知余言為不妄戊子冬孟秋澗老人王惲

謹題

跋米南宮書曾夫人墓誌後

顏魯公稱殷成已雅善填書嚮見唐人作禊飲序每
行特留二三白者使見其已者之功夫耳初觀是帖
即疑其神爽索然之飛動縹緲之勢再視之乃知為
成已法也緣襄陽出奇無窮雖憑軾縱觀不無看朱
成碧耽嗜者心慕手追豈不踐跡終不入于室邪慶
卿來託審定所見如此於戲慶卿其實之安知飛電
流雲之駿不踵門而至者乎戊子歲秋八月二十七
日秋澗老人題

跋香林先生老饕賦後

真楷有常規而顛草無定態魯公傳長史之法東坡
得魯公之妙至于率爾而顛餘未見能旭也今觀此
帖馳騁長沙氣劇禱佛之壘耳嗚呼百年來人物淵
源之盛槩可見矣先生姓田字信之前進士蒙城人
學顏而至者也晚進王惲謹題

跋唐韋臯畫像

予嘗觀臯王畫像魁偉奇傑顏赫奕視猛而髯戟如
老羆抗首有百獸不敢傍之氣不如何以破吐蕃
四十八萬之衆擒殺節度都督籠官千五百名乎至

外臣自預政抗章勸進軍旅之目以定秦鏤號其豪
俊橫恣在所不論及歿有司欲追繩其咎賴門士陸
暢者得解至今盛名有光于蜀嗚呼竹頭木屑其可
忍也哉秋澗老人偶題

附錄

大元故翰林學士中奉大夫知制誥同修國

史贈學士承旨資善大夫追封太原郡公謚

文定王公神道碑銘

并序

皇慶壬子歲朝廷推恩舊學贈先考中奉府君翰林

學上承旨資善大夫追封太原郡公謚文定先考

氏追封太原郡夫人眷恤隆渥一及二代明年春正

月丙午焚黃祭告寵賁松楸越王氏有煒是用追述

先公立身行道致茲顯揚者敢昭告于神道先公諱

惲字仲謀世家于衛曾祖諱經隱居讀書鄉黨化其

德謚文元先生曾祖妣呂氏臨清大家祖父諱守亡

金衛州刑曹孔目官精於文法官數武校尉用公貴

贈集賢侍讀學士太中大夫追封太原郡侯謚敏懿

祖妣孟氏韓氏並追封太原郡夫人顯考諱天澤資

剛明決科律學魁多士亡金忠顯校尉戶部主事

中折節讀書務教子起宗所交皆海內名士易名文

通先生用公貴贈正奉大夫大司農卿追封太原郡公謚莊靖顯妣靳氏追封太原郡夫人先公幼有至性勤學好問若飢渴然弱冠受教於鹿菴王公詩文字畫已有聲紫陽遺山一見為指授所業期以國士揚西菴曹南湖高吏部徒單顯軒愛其材器折行章與交極口為延譽中統建元左丞妣公宣惠東平縣充詳議官尋被中書特授翰林修撰同知制誥兼修國史院編修官制詞有行已無玷博學能文顧超絕之逸才足鋪張於偉績之旨士論榮耀焉一時詔制辭命皆出其手共稱敏贍既而兼中書省左司都

建言曰廟堂出治之源今機務草創當究其本末先後酌而行之允焉遇事詳處得宜同列許其明達至元五年肇立御史臺首拜監察御史獻書曰憲臺執法糾正邪枉今無法可守取人無路宜講治制以立紀綱設科舉以取人材體用既明朝廷不勞而肅矣憲察為首前後申明典制彈劾姦邪凡一百五十餘章竊直敢言不畏強禦於政體多所裨益如劾劉都水怙勢作姦陷公儲四十萬石權貴為側目九年陞授承直郎平陽路總管府判官晉大府也先是吏風盛民囂於訟公用誠敬待官長威嚴肅吏屬作勸諭

內
卷之二十一
楊
憲
寫

文二一則勉飭州縣革弊勤政一則導告百姓務本畏法致吏民感化奉約束惟謹歷二考如一日絳兵卒陳姓者殺同產兄杜獄因鬻緩建繫者三百餘人延滯至五年之久遠近為憤惋省檄鞠問廉得實跡一問即服時晉絳久旱是夕大雨霑足咸謂伸理冤抑所致各路設辨課官例分門下平陽所轄院務幾百按籍點差終任不易藩府採姑射山文石藉夫匠力闢山蹊為坦途者六十里西山伏利由之而出土人刻石紀其事大起府學敦勉師生傳授暇率吏屬聽講風俗為一丕變又復回車嶺孔子廟首陽山二

賢祠修建廡傳述鋪以聞司者千數增戶餘三千使過晉者以政績上聞至家奉公勤政之諭十三年奉命同陳節齋考試河南五路儒士語於陳曰吾道如綫不宜用平時取法凡就試者皆以通文學第之十四年授翰林待制奉訓大夫鹿菴大學方執文衡屢稱其文章精妙明年秋選授朝列大夫河北河南道提刑按察副使改除燕南秩競移山東東西道先公之任風憲嘗諭僚屬監司職在繩愆糾繆肅清政務惟自治而後可以治人又憲府非有錢穀詞訟之繁特明大體布公道事當覈議極乎中正方可服衆

惟克己自勵故按治州郡褰帷具瞻有風動百城之
目部內府尹恃占名鷹房恣為不法公納賄賂莫敢
誰何即按劾罪狀以聞蒙杖而黜焉憲臺徧諭諸道
遠近為肅然冀州監從人因造作掊眾利甚夥與監
逸去事白曰行司巡歷動經歲時俟獲而治則姦人
得計矣質其田宅償其民南宮弭筆者號尹庫因告
訐曾蒙賞賚沮嚇官府肆凶侔利或言其擅殺耕牛
歷數奸惡痛杖之而死萬口稱快又辨釋德平民劉
氏疑獄一十八年除行臺治書侍御史不赴進承
事略於東宮廣孝立愛端本類二十篇採古儲貳

事前有圖後斷以己意蒙裕皇徧覽稱善賜酒有極
用心纂述之諭令諸皇孫傳觀宮寮稱其弘益良多
聖上命近臣繪寫以賜東宮二十二年奏充中書省
左司郎中屢趣不應時小臣盧以理財用事或問其
故曰力小任重剝眾利己未見能久者可近乎既而
果敗眾服其識先而有守二十六年授少中大夫福
建閩海道提刑按察使甌閩僻在海隅歸附後官貪
民殘奄為盜區黜尤貪惡者數十人乃上章彈劾行
省官非其人宜選文武備具有籌策大臣矯正枉濫
肅清邊陲則民心服而寇盜息巨賊鍾明亮嘯聚洪

閩郊東擊則西逸西逐則東奔彼此玩寇師老無功
乃請立主帥專號令朝廷允焉賊果潰滅二十七年
以疾得告北歸二十八年朝廷以耆宿來徵明年二
月謁見世祖皇帝於柳林行宮蒙慰諭久之繼上萬
言書條陳時政一曰議憲章以一政體二曰定制
度以抑奢僭三曰節浮費以豐財用四曰慎名爵以攬
威權五曰重庶司以勵庶官六曰議保舉以覈名實
七曰設科舉以收人材八曰試吏員以清政務九曰
恤兵民以固邦本十曰復常平以廣蓄積十一曰開
屯田以息遠餉十二曰息遠略以撫已有十三曰感

扣氣以銷水旱十四曰崇教化以厚風俗十五曰減
行院以一調遣十六曰絕交貢以示曠度上嘉納焉
授翰林學士嘉議大夫與議政事允預庭議知無不
言成宗嗣位獻守成事鑑曰敬天法祖愛民恤兵允
十五篇逐事直說本諸經旨侍臣謂純正親切有魏
文貞司馬端明之風元貞改元加通議知制誥同修
國史纂修世祖實錄作表進呈及封謚除拜大典冊
皆經定撰大德元年進中奉明年戊戌春以三朝舊
臣賜楮幣萬緡其年七十請老不許五年再上章懇
請除公孺自祕著司刑鄉郡以便侍養仍官孫笥祕

書郎榮其歸方優游鄉里樂遂安閑不幸於大德甲辰歲六月辛丑以疾薨於私第正寢之春露堂享年七十有八越九月己酉葬河西里之先塋夫人推氏祔焉送葬餘萬人及四方來吊祭者哭皆失聲曰五百年那復生此公耶先妣共城人尚醫推公季女資婉順事舅姑睦嫻親以孝敬聞先公所得俸給均之家人惟恐失所若稍越規矩即治之如法故皆悅服而不敢犯女侍生二子善加撫育無異已出內助力為多先十八年卒生子公孺奉議大夫知潁州事孫三竒朝列大夫中書刑部郎官次詵詵侃侃尚幼女

孫二長適昭文館大學士耶行伯強子著作郎楷次適甯氏子重孫五男漢璋德璋潤璋女二皆幼庶子二公儀廕授承務郎同知磁州事公說衛輝路儒學學正生子瑣住先公資明敏正大材器英邁操行純古博學有經濟器業與人交樂易直諒不能詭隨與時俯仰常曰士當行其所學明義達道一以至誠將之窮達得失有不在已者當官持重有體守正奉公表表欲見於世故所至有聲遇不平事及惡之可疾者憤然必窮治廼已官清要四十年自奉如寒士平生篤於禮義視勢利蔑如藩國世子且貴顯於朝招

翰林諸公讌集私覲禮衆議未一曰禮上國卿當下
國君遂平揖而已省椽趙和之病疽迎鑿救視沒為
殞斂以行橐付其家友人周曲山能官至廉卒無以
葬營治至成禮南宮劉文卿善數學客死于衛既周
其喪妻少囊珍具甚富求一室相依以禮謝去其廉
正類此少與西溪香山友善時目曰淇上三王別號
秋澗晚節名德俱重為世尊仰不稱姓字但曰秋澗
公作為文章不蹈襲前人要自肺腑中流出平居談
話無異於人及操觚染翰經旨之義理史傳之鋪陳
子集之英華古今體制間見疊出雄深雅健辭古而

意不晦以自得有用為主宜乎維持文柄獨步一時
字畫適婉以公為正所書卷帖為世珍玩樂教掖
後進明義理工文章必盡所得又善因材致篤故藉
之多顯達者自少至老未嘗一日不學易篋方停筆
平昔著相鑑五十卷汲郡志十五卷其承華事略守
成事鑑中堂事記烏臺筆補玉堂嘉話賦頌詔誥表
啓書疏詩文碑誌銘贊樂府號秋澗大全文集者一
百卷延祐六年蒙朝廷公議為之刊播焉富哉言乎
其勤篤至矣其振耀後世宜矣至於論列時務利害
互明得失兼著忠愛情切聞一事可行一士可用必

四百八十一
為建白雖未盡行後竟如所言較其蘊奧見諸行事者纔十之二三故贈謚制詞有觀其遺書蓋抱經綸之志詢夫成蹟豈特黼黻之材惟治朝著蔡之是稽繫晚生山斗之所仰蓋公論云敢用是為銘辭曰士惟有立德功與言能一於此不朽者存顯允先公睠茲克勤策勲學海力振斯文擴我浩氣塞乎乾坤手抉雲漢大放辭源鴻文大冊帝載昭宣人所共知方駕昔賢紹韓歐之宗派得文章之正傳匡時裨政人有未知志存經濟惟日孜孜拜章奏記罔或少遺有物禁訶百纔幾施時耶命耶而止於斯載瞻遺葉為世著龜山斗聞望後學仰規內相羨謚恤典恩推見諸行事功止一時著書傳後千古是希孰得孰失必能辨之又何俟曠世相感則吾道為庶幾用是昭告神寧無疑大行峻極清泉漣漪淵峙無窮永照豐碑

嗣子公孺撰

文定公子公孺公儀皆能文公孺子奇亦以文顯而奇後漸無聞昌至衛訪之不可得最後於史參政坐聞參政舉玉堂嘉話數事顧謂昌曰

三百一十二
此在王文定公集中集板在嘉興可致也昌又
徧訪之祥符儒官有自嘉興來者乃始託購文
定公集踰年而得則殘缺過半矣又求山鑄野
刻於衛浚之郊得文定公及公孺公儀等文為
多嗚呼以文定公啓之繼以公孺公儀與等纔
百五六年所以考見其美者乃藉於是集而
子孫墳墓漫不知其所在使又百年併是集亦
磨滅則王氏傳承之美且復有不可考者此昌
文表所以繼作也嗚呼以世以地豈獨為王氏
哉劉昌在西河舟中試筆

文定公為翰林學士時有文刻水簾洞中昌課
士之暇遂出衛西門尋青嵩山山在淇縣南四
十里有水簾洞然險僻不可入昌乘輿由金牛
嶺折而西行深澗中石磊磊擇地始得步乃舍
輿躍騎陟石崖二里許至小風門人有攀蘿而
上者望之危若懸孫不能不為之目瞬心掉又
折而西北十餘里始至大風門舍騎而登挾以
兩隸而加之引行十里至所謂雲夢山今云北
坡山望煙起叢薄間從者曰此道院也乃少憩

有三老携茗飲來為盡一盃又行里許見臺
 殿金碧朗麗若浮空而出者締視之則在大石
 上端巖宏偉所謂玉皇殿也而四面皆石壁萬
 仞深杳迂迴下緣山趾登大阪始及門如投阱
 中然既入則寬閒寂寞真神仙窟宅也南即青
 崑山今云南方山蓋以其形似言之耳洞在崖
 半中有井常出光怪水溢流沿洞而下若簾然
 故云水簾道院為汲判井德常建磨崖刻翰林
 學士王惲記上為盤螭中可一丈許下硤為左
 顧龜極工記文宏深典重真可垂傳而洞口刻

三四詩極高老老辭飲澁不可讀其下二詩皆
 賡井公者東入老君祠有洪武戊寅歲彭守約
 題時已卓午從者具蔬飯飯畢出望蒼峪及桃
 峪口欲尋醉仙跡不果夫山窮水僻處幽勝之
 境出於天造地設而井公獨能用志於此名因
 文傳而文與洞且將與天壤共弊不亦奇哉昌
 固有志焉而力不能及也漫詩以識之漠漠寒
 山隱隱鍾迢迢石磴接諸峯支筇欲下人如鳥
 攬轡先登馬似龍蒼峪雨添溪碓急青崑雲護
 水簾重徘徊讀盡磨崖記却笑無能繼後蹤又

題水簾洞云秋雲不捲水晶寒芝草年深濕未
乾翠壁懸水鳴劍佩蛛絲穿露織琅玕夕陽照
影鮫綃薄春雨添流瀑布寬我欲尋真問丹訣
憑誰傳簡借青鸞成化己丑秋姑蘇劉昌在湯
陰察院書

中州名賢文表卷二十八

中州名賢文表卷二十九

內集

姑蘇劉昌 欽謨

李木魯文靖公

遺文

碑銘

真定路宣聖廟碑

初鎮州置真定路以中山冀晉趙深蠡府一州五土
地人民奉我睿宗仁聖景襄皇帝顯懿莊聖皇后湯
沐首務立學養士當是時也世祖聖德神功文武皇
帝淵潛朔庭聞鎮之學緩未即叙龍集丁未勅有司
勿怠其事於是以金粟岡廟址崇殿庶闢黌舍太原

元好問有記越十有四年庚申世皇即祚都燕統一八表置憲肅郡府鎮憲為諸道之冠庠序闕略必憲人府人胥議興治至元暨今雖屢加葺猶有未備至順辛未憲暨府議倡集楮幣三萬市物傭工募役自殿之廡自廡之門新其屋盈三十有二棟宇軒楹拱挾環合左右翔峙作杏壇于殿之北神厨于廟之東自廟徂學門垣柱桓循序森立瓦墁締築堅麗於舊先是府尹馬思忽巴基未構而去政人遷易者十餘年尹張猛合倅和則平治中和允升繼至憲使妥歡提其綱賓佐韓復理其目始克有濟其年夏告成壬

申春府遣吏李明善介徵士贍思狀來請志其績州嘗貳憲燕南義不容讓稽宋蔡京遷學陸佃記略曰真定雖塞北有江南之勝江南豪傑特起如臨川王公與孟軻相上下真定初未有聞噫是何言之恠也真定者冀州東垣堯舊封也昔帝堯以帝嚳子侯恒山之唐自唐侯即天子位徙山之西號陶唐氏太行東西境數千里皆帝之圻真定固神明之宅也孔子經法於易則溯伏羲以本無言書則始唐虞以道政事詩則采殷周以正性情春秋則黜五霸以嚴名分禮樂升降以鑑窪窳天之道至矣廼曰惟天為大

內集 卷二十九 五十五 辛 寫

惟堯則之唐韓愈謂堯以道傳舜禹湯文武周公孔子孟軻蓋孔氏立教如帝典微言如三謨帝堯孔子位不同而同聖王安石背道迷經蒙君誤國京佃傾黨滋熾世益大壞河南程氏兄弟承先聖之緒抹之終賴其言道不墜地建安朱氏師則兩程哀輯遺言貫通折衷以悟百世先正許文正公見其書神感明會相我世皇同符堯舜世道人心翕然大正洙泗淵源日月昭朗今神聖繼興世日趨治鎮股肱郡也帝堯之思在焉朝廷之化先焉崇事先聖所以教也鎮士知所鄉往下學上達尊經慎藝何德不進何業不

修何邪不鑑何古不及憲牧之輔治教縉紳之報君父於是乎在廼賦詩以慰鎮人士曰

太行之山滹池之水孰古與美陶唐之里滹池之許太行之所孰今與伍皇祖之土恒山嶙嶙滹水汙汙昊天生民思堯之仁滹水湯湯恒山蒼蒼帝堯相望於赫世皇始鎮之府時未忘武維士與女澤沐時雨龍德出潛萬方既瞻春熙秋嚴自北而南皇風斯扇時雍於變視彼侯甸恒鎮之先大殿周廡先聖之宇久未今觀誰敢予侮有廟有庭有戶有扃肅肅其凝昭昭其靈新是鎮學式對恒嶽惟士也確順我先覺

求門於牆求室於堂伊洛考亭使我不盲惟聖之玄
惟王之素園冠方獲天地之度侃侃闡闡夫天申申
如日之朏如躬之親既儼既翼臨汝明德以賓皇國
方州是則鎮人聚喜歸功憲紀憲人曰止其誰敢爾
顯望神京稽首奉揚配天無疆天子之光

平章政事致仕尚公神道碑

大德八年春三月己巳中書左丞尚公請老上不允
若曰其服朕命毋怠冬十月稱疾力請予告九年春
還保定時年六十有九明年夏六月拜昭文館大學
士資德大夫中書右丞商議中書省事召不起武宗

即位加榮祿大夫預司農司事中書職仍舊召秋九
月朝西虎臺大臣莫不譽公上悅若曰衆以卿宣力
我家爭譽其賢故耳公再拜稱觴上萬歲壽御琖賜
之酒故事酒荅臣下璣人授之不親賜也時特授公
左右相日嗟異冬十有一月東宮賜宴翰林俄以疾
還至大二年春正月使召辭三年冬十月贈爵三代
仁皇出震召問大計稱旨賜宴清勝園皇太后賜宴
南園夏五月丐去陛辭上御武帳聞之以氣暄室隘
勅近臣出諭若曰婦來盡心獻納朕未始不從稱老
懷歸豈遽忘國家耶凡益國便民其以疏聞當行朕

即行之勅宰相李道復等進秩慰餞遂加銀青職仍舊賜白金百兩金綺二匹宴中書驛送還歸時年七十有五延祐五年制贈中祖考仲資善大夫翰林學士上護軍追封上黨郡公妣魏氏郡夫人祖考安榮祿大夫大司農柱國祁國公妣王氏國夫人考汝捐銀青榮祿大夫大司徒上柱國祁國公妣李妻魏皆國夫人六年春正月孫太子詹事使三往廼起三月辛酉見上嘉禧殿之後閣上顧太保曲出目公曰是自世祖皇帝效力潔淨人也徐曰周卿汝前汝知古今識道理練大務太子託汝善輔之有言勿吝善教

之此朕意也公見皇太子首以念祖宗孝兩宮養德性辨邪正陳之太子異其言夏五月北幸觀花園北行殿上若曰朕不文直諭汝勿惜盡言教太子賜尚醞馬酒各一罌詹事俸入不受俄謝歸時年八十有二泰定三年以中書平章政事致事制授於其家賜楮泉萬緡綺帛四端尚酒二尊公表謝復賜酒時年九十有一朝廷尊賢養老思輔長治其見於公如此四年十月八日薨享年九十二訃聞制贈推誠佐治寅亮功臣金紫先祿大夫大司徒上柱國追封齊國公謚正獻公諱文字周鄉祁州深澤人幼嗜學甫踰

冠卓邁有聞世皇御極急務求賢二三大臣體上意
 銳采擇中統元年張忠宣公文謙宣撫河東還故參
 知政事王椅薦公忠宣奇之辟掌書記至元元年辟
 西夏行中書書表二年始立朝儀詔魁賢鉅德者討
 論詳定太保劉文貞公秉忠薦公參預凡常朝朔望
 起居元日冬至會觀再拜内外文武仗衛布置服色
 差等圖象規制皆公掌之節次入奏清問所及必公
 條對明白文之聖鑑通朗勅結綵畫位皇城之東百
 官肄習上御法座臨之見大書宸極御座之居上召
 公問之對天極居中衆星環共帝德無爲天下歸之

其象類此上悅習已大悅遂爲定制播告天下七年
 勅知事大農八年轉大農都事禮成置侍儀司太保
 以公見上仁智殿擢右直侍儀使十有二年復都事
 大農其佐農政也置七道巡行勸農事聯保五課耕
 桑脩水利立社學築義倉革浮薄禁游惰多自公畫
 十有七年出守輝州不事刑撻因其土俗以禮導之
 令行禁止河朔大旱禱輒雨歲大熟踰竟旱自若也
 聞者異之懷孟馬氏宋氏被誣殺人訟募不決提刑
 部使檄公識之推跡究情得尉史獄卒鍊喙狀兩獄
 皆雪牧輝二年民安事治十九年冬召拜戶部司金

郎中初竹稅置提舉諫省部懷衛居民犯一筍一竹率以私論至破家至是抗言罷之課入郡邑害遂弭明年秋使山東定征稅度風土市廛立中制江西省憲交訟裕皇令中書公奉教訊詰罷省臣宣慰臣各一追白金千二百兩二十一年冬改戶部郎中明年春都事御史臺會聚斂臣荅即歸阿散等謂海內財穀省院臺內外監守里魁什長率有欺蠹請大蒐抉上允勅衆勿沮利黨嘯結兇壬俛使旁午省臣御史掾吏民庶罹寗陷日衆人情危駭先此南臺御史封章言帝春秋高宜禪位於皇太子皇后不宜外預太子

子聞之懼公因秘之以杜讒隙此曹覘之鉗臺史督索公白中書右丞相安童御史大夫月律魯拒之越翌日其黨以請勅太宗正薛尺珩取其章太子益懼二相屢變不復公思用拯之方閱舊案得兇黨罪玷數十白大夫曰事急矣請就省圖之至遂說曰丞相大夫以勲貴忠賢荷天寵柱石廊廟皇太子天下本固本安天下兩公任也此輩傾險乘釁奮不逞祕章出禍可言邪今先計奪謀使噤不容喙策之上也二相曰善入言狀上怒若曰汝等無罪耶震厲未止丞相前曰臣等有罪不辭但此黨名載刑書類非慎潔

內集

宋史卷之九

十一

宋史

寫

動必驚害生靈宜選重臣使為之長庶靖紛擾上徐
 霽威可其奏二相出宣制緩其行兇爛為沮穢而告
 賊賂者喧集事聞天威大震或誅或宥或奴時漢人
 臺臣皆闕公依幕佐以智勇忠義動大臣悟明主殲
 大憝銷大釁旬日之間中外清泰聞者壯之俄丞大
 農治京北屯田畎澮汎溢不蓄二十四年置尚書省
 柄臣顛政急賦讒戮大臣衆股慄使者四出峻繩督
 務羸官緡微賞悅公使燕南得鈔緡約四十萬與民
 者三之二賞雖不及功亦見時至元鈔始行置寶鈔
 提舉司隸都省金與銀禁私易小人挾威張署獲飽

鬻養推破民產動再年使江西治其蔽吏行詐舞文
 各以罪論或誣熊氏子買藏金尺吏訊則無之訊益
 酷乞輸直不聽聚貸藉珥作新尺符其妾廼已劉氏
 子誣其弟貨利潛易金銀獄久不絕事皆類此公至
 率清脫民始寧息其年理鹽茗雜稅江右明年升少
 卿理獄理賦山之東署置濫溢汰之政令苛虐蠲之
 事理欺惑正之尚書省罷政歸中書遷吏部侍郎考
 覈尚書省臣鈔錄所不當最簿上之流品清別井井
 不紊始以肅政廉訪司憲諸道明年公使憲湖北初
 提刑按察之憲鄂也行省奏罷其司聽攝山南者再

內錄

卷之三

刑

刑

刑

事滯民疾公曰此情忘者聞之耳凡政刑大務即省
議之慶祝大禮赴省行之糾按貪墨不少貸譴拾政
行民始受賜三十一年秋召爲刑部尚書公以遠近
稟決刑制不一吏誕民瘼請依古律令衆寬厚新憲
章以一吏治不報成宗元貞元年春拜侍御史會江
浙省平章用虐行悖行臺御史浙西憲人條狀彈劾
制遣公泊大都護往詰之左驗明者平章者按貴驚
岸不臣公等以聞平章者以國制軍數禁密無敢或
預御史嘗取數鎮兵於是藉其故擅驛走都以相噉
昨都省奏不用臺臣特以都護按問伺可御史逼威

即承兩造具備劾省臺太師宣政等衆大臣雜議率
阿勢貴犯輕宜宥御史法當死公曰不然御史職號
監察今所繫者上欺下暴制使馳訊拒捍無禮罪重
不輕必以軍數有禁言之小吏佐書掌給鹽米甲簿
伍籍數誰不知況御史因兵卒交翹責令長帥均役
情無害法縱有罪亦輕不重皇上御大寶赦天下德
洽民心豈宜濫刑以累聖治議都堂三辨巖廊再衆
列奏公廷爭則切上開悟平章御史各杖遣衆呼萬
歲他日集肅政堂衆憂省臺不協公曰天下無難事
第恐處之失其要耳都省長百司丞相握大柄相抗

不敵動瀆天聽取厭傷體自今而後狼貪虎暴者抨
 彈之事不涉私者正救之果大鉏鋸論斤未晚何用
 紛紛來題公言未久猜釋風紀肅然二年請無數赦
 罷役不急上嘉納大德元年夏河決蒲口冬公使憲
 河南明年春偕勅使相決河籌久利公建言長河萬
 里湍猛東注下盟津地平土疏蕩徙不常失禹故跡
 流患中土不知幾何十年孰保無患治得其當則民
 省而患避失之則力費而患速此定論也今陳留抵
 東西百有餘里南岸故河口十一已塞者二自涸者
 六通水者三岸高水六七尺或四五尺岸北故堤水

高北田三四尺或高下等大較南高於北約八九尺
 堤安得不破水安得不北也蒲口今決十有餘步迅
 快東行得河舊瀆行二百里至歸德橫堤之下復會
 正流或強運遇上決下瀆終竟無成揆今之計河北
 郡縣順水之性遠築長堤以禦汎濫歸德徐邳聽民
 避衝潰圖所安嬰患戶齒河南淤田量給永業他決
 視此即救患之良策也蒲口不塞便策上廷論從之
 河朔郡縣山東憲部爭言果然則河北桑田盡化魚
 鱉之區矣塞之便復之明年蒲口復決障塞之役無
 歲無之是後水北入巴河復故道竟如公言三年秋

憲山東宣慰使挾壻宗室以浮論懲叛謂治淄青政
 宜猛故藉是义居方閩外掠譽而內貪虐憲糾小有
 違言吠啞即至公度難力爭使者往來公以温言順
 附而嚴礪之彼廼感服其下稔惡會有告者選官按
 詰得二十餘人決杖追贓以慰懦弱遂大慙謝遂所
 親昵用事十餘輩歸民田二百餘頃四年秋授中奉
 大夫參知政事行省江西既莅政以吏選淆濁凡庠
 序之師軍民之佐財穀之主典隨事立法負數百決
 日皆注無復容私衆始睚眦終莫奪俄趨公分鎮嶺
 南快私憤公曰此軍政也非制勅不敢行駟使額稟

得報蒙古平章偕公在省餘以次出鎮衆計沮事聽
 公決權彊生枯濯煩疏壅省務清簡六年秋九月移
 疾北還冬十月拜江南行御史臺中丞辭明年召至
 京師拜資善大夫中書左丞時朱張氏得罪省臣率
 譴逐唯左丞相兩新平章洎公凡四人調燮政務浙
 西水沴民饑山東歲兇盜尤熾公議發官廩周罄乏
 縮湧價舒市易泄富足通口 責兼并仁容佃民能
 施米上三百石爵有差得 一五十萬救吳越餓殍
 為蘇出官緡八百五十餘 齊魯效攘亦息選清
 望臣使十道宣撫天下采 河失黜貪暴安善良

江南官民田賦均減三之

萬學浮圖氏號白雲

宗者髮而妻子田宅誅心

言祝釐道徭賦倖習甘

賄奏為搃攝錫印章郡

豪名署七十餘所衆數

十萬於是罷之斥散黨與

賦役時順德忠獻王

荅刺罕與君同心輔政

齊百度罷斜封汰冗

負絕實貨約濫支節落

制出擇民牧屏世守

定賦律除虐禁明婚制息民生綱正日舉有中統至

元之風公粹美高亮行修潔年十六七志學翹伊洛

究洙泗完經大史諸子百家該洽無不綜一以仁義

為根極孝友行業著見州閭大臣交薦聲名日振世

廟方大有為衣冠元老森然以所能輔經緯公翱翔

上下畫佐開先寔與有力塵事五朝才識弘經濟功

名映寰海德望尊廟堂忠信締淵穆懸車私第嗣聖

繼明春江益渥使車累召進必勇退從容事外二十

餘年壽考康彊几杖清寂手不釋卷措紳造之非聖

賢中道經綸大經置不談聞者隨其器量大小皆潤

漑天下望之若瑞星神岳素績嚴絲飲食動靜皆有

節制居位應務察事理守名法簡易正大物無不容
推行所宜不膠不固大政大節利不回威不屈仁勇
沛然綽有餘裕古遺愛遺直公盡兼之於戲世皇長

卷之九 勞 華 寫

駕闢馭網羅英才培植之久大德卿相稱賢無右公
者養賢資世豈易言哉公娶某氏子男某某孫男某
某年月日葬完州某鄉某原公弟之子曹州判官克
和以國子助教張執中所狀公行遂以銘託烏乎公
往矣文行事功百世師也其敢以昧陋讓銘曰

皇元統天大定千一聖聖明明崇建皇極三光五岳
氣象渾同天產人瑞以弼帝功瞻彼恒山峩峩大茂
挺生尚公神峯綜秀始遇世皇邁績華勲禮樂稽古
稼穡養民鴻臚大農事係賢哲左右後先夷夔稷禹
朱轡五馬衛源之澗里詠塗歌神明父母孰驚皇靈

之電震搖用輔執法正色立朝孰斲民力烈火凝霜
用仗四方雨澤春陽孰縱陸梁推我獬廌用立憲紀
鋒稜益大孰徇貪蠹托彼鴻鈞用握政柄化育載新
年鄰七袞勇於告老天制臣義豈曰太早昔也廟朝
淵淵炳炳軒后之鑑神禹之鼎今也鄉社于于雍雍
天下之表人中之龍有謁其庭鄙吝清滌齒頰餘論
皆世藥石道德之容禮樂之度大醉而醒孰寐斯悟
善數數之侯鄉侯公百歲完潔其誰儼隆有德有文
有位有壽功在史牒名垂宇宙大行嶙嶙滄易汙汙
刻此銘詩相配無垠

大都路都總管姚公神道碑

公姓姚氏諱天福字君祥拜監察御史彈擊權臣無所顧畏世祖皇帝賜名巴而思國言虎也其係出唐賢相文獻公元崇文獻諸孫伯祿卒絳州觀察判官堇絳之稷山縣南陽里繇是世爲平陽絳人公考處士君諱君實字仲華甫冠辟兵鴈門金進士趙泰以子妻之生公及和衆主簿天祿公姿白皙美風矩童非不凡聞處士訓忠孝奉受惟謹從事郡府挺潔不群儕輩畏之仕懷仁爲縣史世皇以太弟駐白登公從縣進蒲萄酒見奇之留侍宿衛至元初丞縣懷仁

大帥楊闊闊出薦其能於丞相塔察兒丞相奉使朔漠修睦宗藩引與之偕五年立御史臺丞相爲大夫奏授架閣管勾秩將仕郎十一年以承事郎拜御史十三年江南平冬十二月宰相銜怒左遷同知衡州路明年春三月以朝列大夫改河東山西道提刑按察副使佩金符夏六月拜治書侍御史秩中順十六年春使憲淮西江北道秩嘉議十八年憲江南湖北二十年夏憲遼東明年春以母老請歸養不允二十二年春召爲刑部尚書秩通議逾年總管揚州不赴二十六年夏復憲淮西秩正議三十年拜中奉大夫

甘肅等處行中書省參知政事以親辭改肅政廉訪
司成宗即位使肅政廉訪于陝西元貞元年春三月
遷真定總管冬丁太夫人憂自鴈門徙處士君招合
莖絳之稷山中書起公還真定大德三年春二月拜
江西行中書參知政事辭奉使山東還四年秋七月
以通奉大夫參知政事行大都路都總管兼大興府
尹本路諸軍與魯總管管內勸農事六年春正月二
十有八日薨于位年七十有三公至元名臣勲德焯
著其薨也朝廷悼惜吏士護喪歸平陽以夏四月某
日莖稷山西北嘉禾里泰定三年以子保請制贈正

奉大夫河南江北行中書參知政事護軍追封平陽
郡公謚忠肅天曆己巳保以公行實徵銘神道之碑
不獲終辭因采其本末而次第之公始爲御史條奏
宰相阿合馬罪二十有四召廷辯公枚數其罪彼輒
引服數至於三氣沮情駭上動色若曰此三者罪已
不宥目公曰已而思臣下有違太祖之制干朕之紀
者汝抨擊勿隱廷臣震竦其事今秘世未有聞時方
倚相理財姑釋不問衆亦爲公危之太夫人趙君有
賢識勗公曰國爾忘家汝第盡力果不測吾追蹤陵
毋死日猶生年公泣謝白其長曰萬一得譴乞不以

四百八十一
老母坐連也語聞上歎曰是母子有古義烈勅侍臣
董文忠宣付史臣書之監大名小敢普得罪御史按
之至見毆辱繼用公往間道微服入境察悉其情還
取驛抵其所撻挾如神簿責死罪十有七械送輦下
俄以宥貫經臺門大詬公在察院促捕之目檢行橐
得賂侍御史安兀失納救免狀即極敢普而秘其事
夜用巡符託詞邏奄至一道士空盞獲其賂明日陞
奏上曰彼七死猶赦汝欲何爲公對罪十有七赦七
留十餘誰任咎上悟戮敢普斥安時御史大夫二安
善其一旣斥與所善猶雙陸禁中公曰安庶人耳豈

得與大臣狎叱令起座皆失色公即入奏一蛇九尾
首動尾隨兩其首行不能寸今憲不網蛇首二也上
曰然一人二冠可乎召兩大夫諭以公言大夫孛羅
懼以年少自劾罷有讒提刑按察之不便者有旨罷
之是時廣平貞憲王月呂魯爲御史大夫公告之曰
往者悖叛蜩起鄣塞見聞今列憲宇內廣視聽虞非
常慮至深遠不但繩督有司而已也縷縷陳之大夫
悟矍然曰然矣是夜造禁密詳奏上曰此天下安危
計也其勿罷會駕北幸所擊相駙騎士縛公閱其家
脫聚數斛外得言事故藁羅織苛毒公亢聲曰乘輿

行狩戕害言臣宰相寧欲反邪捃拾無所得斥遷衡
 州俄憲河東太原民飢開廩賑卹議者以擅罪公上
 知不私置勿問朔方兵興役民轉粟入畜顛踣公曰
 執政非策自蹙其本也投闕論奏改和羅疲瘵為蘇
 留遷治書出憲淮西先是斬黃有叛者將吏賊獲良
 民以萬數公甘理歸民伍衆感泣相率立生祠從節
 湖北劾省臣楚國公罪以聞上閱其有勞為痛治其
 黨會阿合馬敗大遣使治官厯遼東宣慰使阿老瓦
 丁權黨也侵暴尤橫召公使遼至則封府庫究簿書
 審事察寃正魁惡著公道使還即命長憲遼東公疾

馳夜入詰旦莅事民懼吏愕郡縣竦動初遼朔旱蝗
 公至雨沛蝗滅其境域烏桓白霄故地也民喜畜牧
 習射獵不事耕學公教以稼穡詩書居數年農厘士
 奮民之孝者旌之不義而訟積年不決者訓睦之稔
 惡者懲艾之武平縣民劉義訟其嫂與其所私同殺
 其兄成縣尹丁欽以成尸無傷憂慙不食其妻韓問
 之欽告其故韓曰恐頂顛有丁塗其跡耳視之果然
 獄定上讞公召欽締詢之欽因矜其妻之能公曰若
 妻處子邪曰再醮今有司開其夫棺毒與成類并正
 其辜欽愕卒臺章以公詣平灤按總管劉控古伯公

至劉欲遁去公密令憲僚張仲威作漁人匿西城橋伺之劉果與吏徒會橋下謀辨其愆仲威得真公一問皆伏吏胥之黠而虐扼民之吭而快其所欲而民莫敢校者率以罪黜平灤都吏張氏子尤狡而伎杖去之遠道震懼道行憇化風旋馬前公默謂之曰汝寃從我吾為汝理至縣舍風即見令縣以橐鞬士從憲僚覘之信宿及翁薈而風息得五尸皆短衣其一衣中得小印公下令居賈行商以端匹赴縣聽和市辨之賊果執遼粟歲輸灤陽使督運急時民方饑公曰吾忍視邪留粟賑糶汝不敢沮民賴以生遼人以

公政通神明追思惠化立祠頌德入長刑曹讞獄與衆不合歸罪於家竟如公言衆得罪公望益隆淮西不治復握使節申飭舊規風米立變初宣饒徽數州有亂者官軍併俘齊民加以劫掠絡繹淮境公責守令嚴津防峻詞譴民復其鄉者數十餘家帥臣昂吉而聞淮殆二十年位中拜右丞以宣慰使操制兵民黨結中與其子亦握兵煽虐奴官屬轢風紀莫敢誰何宿盜數十出沒淮海陸梁自宋未有制者宋亡帥徠莠其徒通納賄賂縱其所為公遣健士襲捕得所匿兵仗皆財定案市殉者七人自是帥漁鷲狀百出

公疏其跡取驛上聞帥鉅驛勿給公潛前走得驛馳去帥遣兵校丁文虎追刺公至六河館不及公至揚州文虎亦至誣公於行臺俄而大河館人以刺公狀聞文虎被執公赴覲制遣近侍阿朮治書侍御史萬僧馳訊帥以罪廢已而赴函以擅殺淮賊諸公不中憤而斃淮境大寧丞相桑喜之黨虐平陽者尤劇其敗也用公尹其府以清宿蠹詢父老得鄆邑田里真偽利病緩急先後審行之民輯事理遼西吳氏子贗為文巫行眩衆事之若神人公洞其詐攝至府吏欲案究公曰亂常之跡可移言邪立命撲死衆服粟政

明傳雜記

委大臣蠟真奏以

堅動無泥閔人人

上枯壯弱日聽愬

初饋餼不充徵需日困公以楮鏹貸民因母取

畜畜孳豐廩稍闢大賓館水碓創立如平陽用有

宗親之位儻從之區秩秩井井甲諸路歲省官

而下不加擾憲人撫細故劾公中書敷奏事不涉

私法可施用宜著令式以示他州制可郡人集衆象

龍祝雨公曰無益今撤去廼慮獄囚底平允兩大需

置新樂北阻泚水使价車騎自南而北者雨溢夜
暝野次無所建議徙置泚南衆大便順築寺五臺督
民運木奪農環衆令方急公不從府懼佐貳交諍之
公曰吾民牧也惟民是卹請待農隙朝省爲允樂城
盜殺人取財夜昇尸置民隆氏卹縣啓伏隆氏父及
二子當死械囚送府哭於庭尸毋辨賊無其子印識
公疑之會使者決大辟公詒他賊承盜殺狀隆氏獄
緩真盜遂獲黜吏退胥之在民間者不啻百數劫持
官府而肥其家啖其心則禍之管庫稅庫之徒往往
破產實爲鬻子以償所欲而不敢與辯公劾農諸縣

得其姓名杖死數人質鬻者還之之餘多遁去或改行
爲善士其尹京也立誠信繩無鬻挫強禦卹憊弱事
至而斷豪右斂迹三河民藏古銅印怨家訟曰將謀
作亂縣榜掠其囚使符所訟三府辨其文曰三河縣
印公曰何亂之爲以不軌官罪之制令尚廩芻稗以
鹽易諸畿民霖盜害稼公請市旁郡戶部據令督責
上下恟懼公帥京屬從部白省竟以公謀寧息京甸
京人弟假姊財不券姊發益貧弟賣益富姊發徵財
弟曰有券即與姊憤聽者難之想於公論之曰汝
但歸俟徐誅劫盜反弟對詰大懼吐實既姊中分其

賁公果毅直諫立朝敢言操行清介忠孚信格有賜
輒辭上至引唐太宗賞魏徵故事曉之對曰臣言
也受賞非分也竟不受持憲總郡皆有聲績以治盜
赴鄂民衆衛送不絕盜聞之戒其徒曰姚公正人也
勿犯性孝太君年踰大耋公拜參知政事甘肅難於
釐養辭不往世高其行縉紳推論聖朝人物骨鯁有
為終始不貳其操者公當第一固確論也蓋嘗稽之
鴻惟世皇神鑑睿筭長駕遠馭文武效能光輔丕業
甸萬國冠百王盛矣然廊有三人邱志間山地 公 三

當至元之際奮下列搏權奸益方州滌巨蠹使辯捷
不能措其喙仇憤無所憑其兇風槩氣節炳耀一世
淵衷之所孚公論之所與豈徒然哉其忠義剛大蘊
積有素故也公揚歷四十餘年功名事業磊礫赫奕
侃訪輯遺軼既久始備因歎世有家者之子與孫或
不倣若先烈湮滅可勝惜哉叙而銘之或有待也公
始娶趙氏繼楊氏皆平陽郡夫人子男三人壽童蚤
卒祖舜秘書著作郎卒侃內藏庫副使楊夫人子也
銘曰

帝運開大中統至元人傑斯寶匪寶璣瑞惟天聰明

卷之二十一 三十一 邱志間山地 公三

憲象執法元化宣朗昭融六合堂堂忠肅始我馬冠
讜言正色英風夏寒虎炳其文山立殿陛檣杌饗養
魄褫魂悸宸辰凝邃上動天容庭有直臣庶做其同
有鑒其明有玉其潔桓桓其勇夬夬其決孰挽斯曲
孰陳斯柔善善豈親惡惡豈仇雖千萬人莫沮吾往
如脂如韋有泚其頽侯符三剖憲節六持義槩秋凜
仁術春熙上亮其忠史載其信何勸不懷何懲不震
碣石之北淮海之南杜稷尸祝無怠其嚴滹沱溶溶
霍岳峩峩其融其結百世不廟台鼎之崇芥視不屑
京尹之雄莫仲與伯有烈終始無間險夷誰近而忽

益遠益思汾川西流河水東會稷山之銘惟以永配

參知政事王公神道碑

至大元年汴梁路總管兼府尹王公年逾七十拜參
知政事行尚書省雲南秩中奉大夫仁宗皇帝以公
至元大德名臣拜昭文館大學士皆不果行延祐元
年冬十二月七日薨汴私第春秋七十有九明年春
三月十二日歸葬趙州寧晉之金符鄉換馬里中書
以臺疏列公行績以聞贈通奉大夫河南江北等處
行中書省參知政事護軍追封太原郡公謚憲穆元
統元年冬其仲子承務郎萬億賦源庫提舉鈞以翰

林待制蘇君天爵狀徵銘公碑神汴諸生也其敢辭
公諱忱字允中世居寧晉曾大考進晦彩不耀大考
守忠金承信校尉考王太祖皇帝威行中夏率郡民
欵附從太師國王木華黎用武有功累官定遠大將
軍慶源軍節度副使夫人王氏生公剛毅正直讀經
史不事空言能見之行事裕皇位儲宮取勲舊子孫
入侍公被選忠恪小心十有餘年日慎一日或因事
進說明諫不阿世祖皇帝察其能至元十七年拜山
北遼東道提刑按察副使秩朝列大夫東藩諸王鷹
人縱暴民大厭苦公繩以法遂欵避不敢犯宰相阿

黑馬掇克固寵希合之徒言利徼侍小吏取廉告北
京宣慰臣述官繙若干萬既聞勅徵之熙懼失實增
益制勅逮繫百餘人公疏其妄熙獲罪裕皇賓天儲
極虛位帝春秋高中外危之言者雖衆未見允可公
建言陛下臨御多歷年所至元初預建太子天下歸
心竊取上賓臣民憂懼惟早定大計以幸宗社章三
上帝會其言俄勅皇孫佩信寶撫軍朔幕大業殛定
二十四年憲河南時南北旣一無但兇慝畧民子女
轉賣四方公謂此徒於聖天子仁覆天下之政梗害
非常建議嚴立法禁從之遂著令甲息民汪清占息

民籍已再世矣兵豪狀翹帥府曰吾亡奴也即馳騎
 數十殺清滅口取其妻孥貲產清子成逸出赴民有
 司翹之兵民文後往來數年不決潁兵朱喜始以避
 亂奴於人其主知其難於奴也集鄉胥里長同署券
 免之隸潁兵籍已久喜家火其故主子謂券已焚而
 復奴之喜持券出翹訟不決皆詣公翹之稽清占籍
 以歲壬寅其奴亡以甲辰喜券足徵白之鎮南王府
 誣者皆屈明年兩訟之仇結近侍誣奏公徇制下中
 書遣使收公案訊公疏臺請聞有旨馳召入見敷陳
 盡底蘊帝大悅曰若人非素餐者勅省臺謙慰還職

近侍及使者皆以賂敗清喜數百口脫虎噬繪公像
 事之二十七年置肅政廉訪司以新憲度明年公副
 使燕南河間鹽漕官守盜用賦緡十餘萬覈正其事
 諸王分地恩州其下以錢貸民加倍徵息公令子母
 相當則止餘有罪先是以民入兵限私田四頃優其
 家公曰國家取天下以來兵無寧歲今海內雖定征
 戍遠方一兵歲費不啻千緡區區限畝豈易充給在
 民編者守令猶歲差富貧以均其力一入戎行永不
 可變請增田額使無飢寒內顧之憂不報其後以兵
 力乏竭勅樞密召公等會議以真定順德廣平等路

力
 華
 寫

俾之詢簡得富民數百家充兵兵之貧者遣還民伍
 人服其平公以舊臣屢憲方州至是威名益振三十
 年拜廣西肅政廉訪使秩嘉議臺檄以其廉能曉諸
 道疾不赴成宗皇帝即位元貞二年春使憲河東召
 見柳林撫慰優渥會并汾旱饑請發粟賑哺全活者
 衆五臺大建佛廬勅中書撰銳事吏董役工部司程
 陸信驅民夫數千冒險伐木死虎豹蛇虺者百有餘
 人其時皇太后幸其所公入言以寺福民福未及而
 害已甚非初意也徹聽開悟減其役仍賜卹死者家
 宗土分土并門廩餼歲取民間或不能供輒乞契約

母息倍稱或不能償隸其子女民患苦之公請出錢
 縣官贖還其親者百二十四人於是諸王膳貲歲頒
 于官民瘼始蘇王嬖臣哈塔不花怙威肆虐公按正
 欵伏王爲之請弗聽王馳使請公上未信會駕北幸
 罪人亡走愬公不法勅中丞崔或問之俄或卒駕還
 復懇詔省憲雜訊之無驗愬者抵罪由是王禁戢藩
 僣民境晏寧大德三年遷江陵路總管不行七年遷
 汴梁汴故宋金都邑號難治公至省人憲人以公舊
 望不敢以府屬眎之政訟之難悉聽鑑裁下無隱情
 乂之政清訟簡吏民歌詠方宋包拯公莅汴之四年

歲次丁未河決原武注汴宋汴尤急吏士具舟楫以
道漂溺民大懼公白省請疏導順下勢家以田疇不
利難之公曰吾守臣也當任其責即行河決壅以完
城邑水息大築隄防羌族礮手居鄆陵者萬餘室民
役不預公督使趣工得萬人不日隄成民至今思之
公精明有斷不畏強禦所至興學獎士脩政新民不
專法令威愛兼行爲世名德故姚文公燧劉文靜公
因與公游雅相敬尚蘇君公鄉人也時賢言行優於
志載其言曰世皇天縱有爲公及陳公天祥程公思
廉姚公天福皆骨鯁敢言視社稷民物利害若疾痛

嗜欲在己才猷風采凜震一世庸夫庸婦知其姓字
豈聲音笑貌爲哉天故生之以弼治效善論也公夫
人張氏封太原郡夫人子男二人曰銳曰鈞孫男三
人洙浩以曾子隸業成均淵幼銳鈞皆有學行鞏固
知之其諸孫爲曾子皆馴謹向學佳子弟也助教陳
旅云銘曰

世廟帝運鴻惟永年仁浹義洽德崇配天咨謂裕皇
左右前後侍衛僕從詢賢世胄時也憲穆宿衛青宮
行必循矩言必見忠涵育有年一靜一動帝曰良哉
才可試用卿貳東臬佐四品秩碣石醫問先昭化日

三百七十六
來歸定省遂莅河南上觸廷怒下讐狼貪帝曰忠哉
斯豈尸位丞相御史燕勞還轡皇鑑昭明飭新憲綱
卿才而舊益礪干將太行西東鴻河南北草木知名
山川正色棲遲晚暮尹汴四封宋陳許鄭春陽誕充
偏側將迎于此大府齒健而獐猶憚巨處上獲下順
居五閱年華髮蕭蕭益壯益堅其卷其舒大義終始
錮百其鍊肯柔繞指五握憲節郡符再分洪波砥柱
屹立不群政預鈞輔逝矣其道文崇祕館允也其毫
之顯高朗之幽神明之地列岳之天列星滹沱之郊
邯鄲之鄙刻銘豐碑徵信慎史

大元奉元明道宮修建碑銘并序

老子生殷亳社苦縣厲鄉曲仁里距縣東不半舍元
龍井在焉崇事宮廟歷代相因憲宗皇帝四年龍集
甲寅故太師汝南忠武張王閻亳得太清明道兩宮
遺址兵燼悉爲荒墟以文之燕請事修復長春嗣教
真常大真人李宗師遣隱真大師提點石志玉通微
大師知宮李志祕綜其務歲丙辰誠明真人張宗師
奏請崇道真人張尊師棲雲真人王尊師主其宮制
無幾何棲雲蛻化其門人輩亦皆協力崇道則始終
不懈未踰一紀締構宏麗允惟明道故宮以河渦混

匯圮溺迨乎石李二公相繼為真人結廬墾田充益
歲廩事修治疏河流入北門繇是窪下澱而窪漫漑
涸而燥至元壬辰棲神真人陳志微以陳道潤張道
淵楊道和等率眾除荒實墾陶甃峙材準基定位以
陳志和李道堅等協襄事功達之長春玄逸真人張
宗師用道潤提舉宮事大德己亥棟宇克完百度鮮
整棲真真人李志本薦道潤志和道堅等陞提點今
凝元真人馬道逸飭舊圖新日益充大謂宜立石鏡
銘示永乂元統元年特進神仙掌教凝和大真人苗
宗師召太清提點趙道真來京道潤志和等因馬介

趙厲筆於翀昔也馬真人乘傳北廻嘗識於衛趙君
用是惓惓遂不然讓序曰隋名苦縣曰仙源唐曰真
源宮曰紫極追上老子玄元皇帝以本帝系築宮縣
隅東北備嗣皇帝駕次之齊居榜曰奉元天寶二載
易紫極為太清宋加太上老君混元上德皇帝名縣
衛真真宗兩謁太清壇奉元之陰東鄉祝拜易宮額
曰明道金仍其制錫良田豐祝事鴻惟太祖聖武皇
帝奉天威君六合天寤宸聰使車馳召長春丘仙翁
崑崙之山歷數年踰萬里觀遐朔推道餘沃淵衷拯
生靈仁萬有其功大矣老子亳宮之方尊也世祖皇

帝潛藩下教令即位錫以寶書申護禁曷位役遣使
致祭太清畢工勅翰林承旨學士臣鶚製其銘中書
左丞臣樞書其文中書右丞相臣安童樹其碑寵嘉
之數滋隆往昔今道家殊流皆宗老子太清明道源
本所在長春道葉主嗣亳教知所宗矣矧惟大元慶
運開兆李唐奉元得名玄天陰陽今宜兼用唐宋舊
額榜曰奉元明道以尊皇極孰謂不可趙聞之曰唯
唯廼銘曰

老聃之生于殷之亳微妙有無天地橐籥非隱非見
仕周歲中龍乘風雲帝先誰子繩繩道裔上德是弘

儼像殿室堂陞峻

無間遐遠惟茲亳土

振古及今綿數千載除我皇朝華有餘

雷厲八紘崑崙赴石軒轅廣成坐進玄言

宇宙在手天慈救衛有赫世皇光繩祖武乾德

萬物斯觀溥泱寰海如天之仁知風之自道系

中統至元運開鳳紀因亳仙源厲鄉仁里嶽竦雲

宮復太清濟鐵銘錫詞臣著銘趾邑良方宮曰明道

傾圯沮澤久未締造嗟哉岸谷變易高深逢我盛

抗起湮沉張肩主隨石孟李仲班班偉人繼拯

三百六十一
至道坦坦至衆林林才用其力德厭其心棲神棲真
踵武徐起習馭輕轅通轍順軌載定其址載我其宮
煙霞洞府風雨旃幪山川會靈紫氣充溢羽衆式瞻
淵宗有象邀食於地邀樂於天果菰在圃稼穡在田
聖祖神孫開此道域其寧不思荷帝之力瞻彼蒼昊
有開之先奉元明道名豈徒然太清在東長春在北
祈我皇天永配無極元統三年歲次乙亥十月日中
奉大夫江浙等處行中書省參知政事李永魯撰

中州名賢文表卷二十九

內集

中州名賢文表卷二十九

姑蘇劉昌欽謨

遺文

李永魯文靖公

碑銘

皇元故武畧將軍濟南冠州萬戶府千夫長
監末赤公神道碑銘并序

聖朝統有天下制官以國人冠其上如古置監者然
重國體也兵名所部曰翼其監以北庭有武功者為
之濟南冠州新軍萬戶府千夫長劉洧翼監將武畧
將軍末赤以至大三年秋八月十有九日終南陽郊

邑私第之正寢享年七十有八於是公告老去軍蓋
十有五年矣既葬之明年其子蒙幹特暨其孫耐滿
特狀公平生走汴階其姘家子劉生汝止乞銘且言
公之子孫再世能讓蓋以公武足致位德足化家故
也於是叙而銘之公世出朔漠其族世曰耐滿氏考
曰昔不察當天兵南墟金社卒行間公繼跡在軍都
帥府即署公劄臘都鎮撫屬副彈壓大兵伐宋從大
將覘徹戰百丈山從萬夫長冶栗察破黃先洞至元
十有一年從都帥鄭國忠宣公破沙洋攻新城明年
冬從大軍擣江淞破關隘帥府以先後功狀彰聞

兵二百署職總把自是宋平十四年春正月戡定
中有功行中書省版以舊職仍移書樞密奏授忠顯
校尉職為真其年從忠宣公定嶺海薦陞職樞密奏
加昭信校尉職仍舊帥府署公鎮撫仍將其兵十八
年十九年帥府及行中書荐以檄遣公領大將別部
幹畧戰效益有聞二十有一年詔諸將定功以聞
用是樞密奏遷武畧將軍佩金符監長千夫時二十
四年夏六月也其年從行省討交趾署副都鎮撫號
召指縱勇赴銳戰抵蠻都襲逋王嚴柵護集矢石兵
無違律省臣材之二十有五年歸駐鄂省以其功聞

內
湯
惠
寫

四
由是遷監濟南冠州翼鎮戍湖南之桂陽元貞二年
公以老疾告其子和尚以承信校尉佩符繼職公姿
雄拔性勁直事萃於下情捍於上以理申白無少阿
徇佚老鄉邑優游以終嗚呼北庭將校之良也夫人
笏都德明里察大悲奴皆前卒今夫人蘇氏子男五
曰寨臘曰馬僧夫人笏都德出也曰和尚母夫人明
里察義男曰蒙幹特曰丑驢女三曰字魯歡適百夫
長吐臘曰完據適冶先不華曰拜葉真適百夫長
臘男孫十曰耐滿特曰明安達曰拓因曰撥烈字
曰關奴曰完據都曰字羅曰藹葉尺曰寶童曰

女孫十有一先是公請老子寨臘當繼與其弟馬僧
讓其季和尚和尚卒子幼寨臘子耐滿特當襲又讓
其弟明安達時公生存子孫交讓於當年鄉人義之
銘曰

元氣磅礴八荒同樞孰裂據之朔南一拘神人膺圖
龍見漠北聖聖迭作何判不一當至元初有事南方
衆智群力雷砰電翔噓風喻雲霧廓煙闢運臂伸指
無功不集相時行間繫武畧公雖職禪校克壯其戎
歸老於家誨子教孫以禮以讓雍雍其敦稽公之生
自始奮跡既昌其家又未其福悠悠汝波紫雲東莪

三百七十四個
碑墓其阿百世不磨南陽李木魯翀撰

河南淮北蒙古軍都萬戶府增修公廨碑銘
昔光祿大夫江西行省平章政事贈金紫光祿大夫
大司徒上柱國鄭國忠宣公推忠開武協運佐治功
臣奧魯赤統蒙古軍四萬戶佐帝平宋開闢洛陽縣
龍門山之南伊水之東以治軍政至其子嗣都萬戶
脫完不花始構治宇以肅官寮今其孫嗣都萬戶察
罕鐵穆爾偕其副都萬戶昔置伯吉謀曰舊治陋隘
弊腐宜撤新之始其地廣袤十畝因增倍於先治事
之廳退息之室賓佐之幃隊廉史之床在簿書之序

閣財物之庫庖厨門闥誰樓隸舍至四十楹壯麗
崇深名其堂前曰仁武後曰忠益樓曰嚴更遣千戶
咬住暨忽都帖木兒馳狀徵記劄臘爾氏自行省鐵
木台麥烈忠宣公與魯赤銀青榮祿大夫上柱國湖
廣等處行中書省左丞相脫完不花贈守忠翊正濟
美寅德功臣資德大夫河南江北等處行中書省右
丞同知行樞密院事普答刺吉贈保忠經武致德宣
忠功臣上護軍夷山郡公五世六襲及今都萬戶自
懷遠大將軍加昭勇年三十有二旭申氏自博魯溫
諾延行省兵馬都元帥塔察而蒙古軍四萬戶別里

三百八十六个
即台橫州屯田萬戶府達魯花赤輕車都尉平陽郡
侯密察而都元帥兼江東西大都督宋都台鎮國上
將軍江西道都元帥阿魯輝輔國上將軍江西道都
元帥副都萬戶平陽郡襄懋公伯里閤不花六世八
襲及今副都萬戶自懷遠大將軍歷定遠加昭毅年
三十有九昭勇昭毅皆蒙古貴族世胄其祖與宗自
太祖聖武皇帝來繼忠勇靖朔漠開西域伐金伐宋
一海寓著勞績今兩都萬戶協心力輯軍衆居則
官守動則整戎行善於紀律斯可見矣迺序其事於
其堂所之碑曰

皇元受命震起天北風雲龍虎感會奮激羽翼爪牙
交濟其功分守方嶽帥總元戎河淮都侯峙閩嵩洛
兩帥鉅宗光世其爵統四大府兵政霜嚴節制涖止
宜竦其瞻芥斤山林梁棟柱礎以埏以埴隆闢帥宇
仁里斯美宅必處仁志在仁武熊羆化馴優游清暇
退集燕室延訪賓友志廣忠益煌煌聖朝武緯文經
崇堂邃奧式永攸寧翰林侍講學士中奉大夫知制
誥同脩國史李木魯翀撰

普濟宮重建麻衣子神宇銘

距穰西百里而遠有山曰靈堂古麻衣子棲真之跡

在焉學道者狀其事云子出沒晉宋間今餘千年其
 間或有因其跡而繕宮室弘道法者皆軼不紀今太
 易道人毛守朴齧荆棘侈土木一新之慨然曰仙聖
 之跡失今不錄將遂顛絕千載之下不有能筆孰開
 厥靈奉狀摯紳委筆焉徵狀麻衣子姓李氏名和字
 順甫後際神人更志康字惠和自號麻衣子貞觀間
 封惠慈廣德普濟真人真人世居秦父思温西寧令
 臣穆帝昇平元年春二月十有五日生真人而紺髮
 美姿膂力絕等然性明慧好經史契悟玄要而綽有
 才譽孝武太元九年時年廿有八喟然太息曰吾下

如此猶湛穢腥腐愚亦至矣以學道之志告親請去
 西寧君責留之不為止君曰吾為汝築別室聽汝所
 欲為何如不荅陰入祈口坐一巖間彌月人不知君
 偕親黨求之遂采入結廬居之西寧君跡見曰吾老
 矣職則汝襲無苦爾為也不荅令親黨逼之不起嘗
 獨行終南逢一道者藜杖芒屨狀貌厖古倚阜危坐
 謂真人曰吾久汝候矣揖與語皆道秘也由是神悟
 劃然道者授以秘訣戒曰終南非汝宅也南陽之間
 湍水之陽直乾之方有山靈堂石峒其旁神開汝鄉
 汝則往之當有異人率衆拜汝汝慎拊之可以翕神

功於蒼茫問姓名道者曰吾左玄太極也言訖不見
真人神其言往求靈堂於湍陽者久之莫曉所在道
遇樵者相與問荅所自來及所欲往樵者欣然導至
峒門問樵何居曰此山俄頃化去乃益喜自是坐峒
十有九年時安帝義熙十年夏大旱居民張奭約眾
計曰麻衣子有道者也盍往叩之眾諾相率詣峒焚
香置水於前禱之真人初坐瞑目頃之顧曰何為者
眾以早請讓却之眾日旦暮請不輟真人苦拒者亦
累日將夕有少年十許輩前請曰人日紛紛何也真
人語以其故少年請但許之真人託以昧妄不敢請

少年復堅請真人怪諾之翌日如諾雨果大至霽行
山間見十有二人睡山陰熟睨之皆負龍狀心異之
還峒而十二人至皆稽顙曰吾屬龍也所居之溪曰
巫峽曰五雲曰岷山曰清遠曰桐栢曰嶠塚曰崑崙
曰武陵曰苧羅曰滌溪曰浣沙曰澗池上帝曰師道
業有成勅令輔師行化耳真人稽首帝居而推峒居
龍別占一穴龍自峒入雲霧晦冥雷電交作抉裂山
背各潰一穴而去真人後遊鄖鄉歷宋孝武大明元
年真人行年一百有一矣秋八月有八日白鶴翔集
祥飈靄雲蔚燁扶護真人儼坐而逝鄖人即其地築

內集 卷之三十一 陽 惠 寫

四百八
觀名以白鶴仙墳存焉唐貞觀十三年天子制表山
曰石門靈堂峯曰顯聖峒曰勝泉龍皆封公曰廣潤
洪潤咸潤慈潤靈潤施潤崇潤豐潤應潤愍潤顯潤
保潤封真人曰惠慈唐德普濟真人旌宮曰普濟果
爾則太宗以邁往之君首勅大業賜神號於宇內而
於麻衣子之所宮褒奉殊特則靈堂道區古勝地也
自後泯不可稽豈山川之運自有盛衰道自有汗隆
人之為事者或成或否學道者或斷或續操著述之
任者或工或拙或足以傳或不足傳而至然邪皆無
由知之今守朴挺然自奮於千載湮圯之餘追麻衣

子之道於蒼莽寥落之際而振襮之平居則有水泉
之利亢極則有膏澤之請一方之民將神明其所為
十二溪之神物將集靈異於玄漠惟吾所令苟幽明
順指人神効績則推而達之清朝貞觀之褒有不必
取榮異代者神嘗聞希夷子受道於麻衣道者豈度
世不死百世一下遨遊人間邪不然將兩麻衣邪或
度世不死滅沒六合徊翔故丘拊守朴之跡而歎其
精心苦力能紹其業也如此則守朴之籍丹臺上玉
室也將有日矣於是叙其事而銘之石銘曰
誓守真人挺跡有家咀道之腴土苴世華神人指迷

三百七十一
大華培塿靈堂崔嵬上列牛斗惟龍駸駸滅沒有無
乃奉帝旨為吾卒徒窟宅八荒呼吸自我滂澤四施
孰往不可悠悠山雲鶴逝千載民之神之功猶不宰
曰惟守朴跡遠心同華觀峯出轉替日隆泉流泓泓
以溉以灌鬱亢日請曾不我捍有黔其首衆奔走之
神眇莫覲守朴其師蒼琰穹窿而刻斯語山英袒袒
斥護終古

知許州劉侯民愛銘

至大元年秋奉直大夫許守劉侯既終更矣郡縉紳
先生田浦城劉興國泉舊家為族郡人之父兄

謀劓侯字民之政於石屬筆小子狎懇讓不獲敢蹟
侯行事譔次之大德龍集乙巳夏六月侯下車家政
斬然聞無雜謁其在猷為苟有利民無或不舉許北
趾於汴南揖淮楚素號多事侯材識精敏百務叢劇
聲容舒徐刃嬰而節解吏無稽牘獄無柅訟不尚苛
猛而凜不可犯自公而優入則杜門端晏游泳典籍
出則賓禮先覺隆獎學校三時既隙則帥郡屬叩校
官請益經史親為之倡繇是郡政翕然侯澤物仁而
有方耕鑿樹畜求底實效及終三年諸軍數牧外丘
陵原隰墾闢殆盡初郊農貿穀市僧連郡象徽糴外

關擅輕重以售嫫弱胥困乃立斗斛市距州治重脅糴翔價之法趨者如歸糴雖升合以上無敢摧劬民農兩利之侯以事出法漸弛復襲舊至杖大駟數人法復立民頌歌之歲丙午河南諸郡飢流瘠日至春穀價勃湧首發私庾大縮價聽民糴募富民粟數萬鱗出糴市慮糴有不均也於諸社責其長日閱數賦與之夏雨戕麥得請出郡廩積年鼠耗鑿米薄價紓民春夏徂秋無凋瘵者明年荐饑羸羸狼戾請省出公縉賑之民為蘇中統抵大德允所立有司法程討閱簿書彙帙度實而據守不跲故勇於拯民而善禦其害省大核屯田臨潁鄧艾口民稻田三百頃人有說省曰此古屯也可復築之下侯按實之侯按至元中司農研水利拓民業隆平生息之道也業此率二十四十年暴取之民措何地省不避以兵民恫疾之狀迭陳不可卒止宣徽歲遣使征羊馬法三十取一至則肆虐取人莫誰何度其至今縣民大書其法於堊壁患遂止程約五縣繇賦齊均凡出錢於縣官市物民間曰和買民產所有猶未易供無之則估百倍賦官郡縣苦督責無敢拒貪肆者亦陰幸漁獵雖瘡痍其民不恤侯深慮之土有則均賦之苟無之抗簡覆

陳不允不止鄢陵扶溝產紅藍梓不特買萬鉅時其地年歉而藍露民大驚蹙省以侯敏幹畧趣買之相其故力請罷之是不獨仁於許又有以仁其隣也省檄論囚荆南時荆楚大水民飢歸請撤禁山澤以活危墊省移中書如請民濟於阨是其澤不獨囿於近又有以及其遠也其聽訟明察而果哀矜惻但未始不行其間襄城南距湛河與葉交壤葉民之鹽取解池齊益止襄舊樹石河之南埭鑄以畫堽之法葉令妄徙而北侵襄民近百家嗾漕屬以其法酷弄之兩縣飛狀闕辯葉引陝漕合攻襄中以危法時侯偕省

使者會決之卒以理摧葉復石舊疆民底寧河南民踈土曠田價至弱雖有質鬻而契券開略鹵莽遠今民口生集叢蒸灌莽盡化膏沃價倍千百闔閭滋熾秦吏蠹法孔穴焚出至有綿曠歲時而莫之決者侯既清白復詳聽覽而洞情偽佑是懲非至未半歲決以百數訟為衰民葛英女嫁而奔人英蹟之獲他婦憚嚴其舅姑而私竄外者寘家令妻教壻族事如其女返魂他死者歸壻不納一男子果爭之訟不決侯行縣詰之情立出民有以計誣里其同行者訟縣醉亡楮緡千獄逮人數十訊不白屢愬州至據地以

四子本
慟覘色詐立屈之決囚南陽主婦告奴醜其夫三日
死榜楚極憮毒獄久不立侯讞曰實有毒立死無少
緩者簡孚獄供有寃立貫之其聽決多此類也舊水
旱禱祠桑門羽流雜巫覡囂喙無益一不取齊板精
壹以走群望靈貺昭荅嘗春旱禱八龍井明日雨大
作民有擁香拜舞治所者人既德侯侯善使人而知
所務長社尉解僻遠為創築近郡治使與庫傳狴犴
相連峙徼循捍衛弭患無形三皇肇立民極今天下
通祠而舊郡祠陋不構新之崇葺廟學植檜栢六十
四本築室藏書購塑上體先賢貌影自瀛溪及

朱子像而祠於學故實凡相交承則帥家屬厚贖
去者於侯又最豐終讓卻之始終銖髮無取及是人
益信在政曄曄嶽牧風紀屢倚用之軋強鋤暴在人
所不敢為侯不憚也將退政之日其下讐伏如甫至
談者偉異之名聲籍籍上游諸公多譽藉之交剡騰
薦不一二數士論備奉法恤民有古良二千石之風
知言者是之侯名天孚字裕民家大名以國書主從
事中書出判東平移漕司擢知冠州遂遷許風岸蘄
立噐度凝遠春秋方強摠用未既加忠孝宣弟出天
稟能以學濟之淵乎莫測也浦城名九疇興國名庭

瑞皆仕焉而已者聲實素著郡人望所推先郡既不
忍弭忘侯德兩公倡帥之人彌咨歎其公云矧既叙
其詳乃最而詩之庸冀郡人寥邈之思辭曰
郡侯繩繩三歲逆旅孰莫我矜侯吾父母我飢我寒
燠我餽我鳴袖於家田墾在野繁我窘躋均恫其身
膏以雨澤煦吾陽春惟古立學定民之命治有本末
禮樂刑政誰蔑棄之謂能其官我侯至止德馨如蘭
士蒙顛顛侯教載之縉紳煌煌侯勞來之敦匪人哉
而玩侯法將薤艾之我用是翹善達而施天下之
寧獨吾私一郡是淹車聲鱗鱗民莫侯攬有堅

鐫配琬琰鼎鼎其來疇允侯蹟跂予望之其永無極

安氏尊經堂銘

明明尊經安氏堂之用有倣惕予其銘之於在古昔
挺起神聖越紹上帝昭我明命暨蒼姬氏四術廼崇
詩書禮樂順古範銘文武道衰四教崩弛孰其拯之
天縱夫子龍馬獻圖用著著策吉凶悔吝開我八則
二禪三繼曰帝曰王典謨訓誥明我天常志欲有言
形於詠訶雅頌得所神人以和王綱失維列侯遞霸
其敢僭踰筆討無赦是謂四府其用不窮大禮大樂
升降汗隆宇宙有經終古莫忒民無能名功載人極

鼎鼎儒者相與守之孰吾堯桀相與梧之曾子思孟
荀董王韓周程張朱以達聖元不息不泯皇衷民彝
其有能奮立百世師安氏東垣世以儒名味道之醇
服義之精百氏諛聞寧不有當處宜下陳經無二上
至小無內至大無外晦不加蹙顯不加泰風雨震凌
帡幪是屋六籍鳳峙疇匪雌伏安父之嗣伯仲叔季
稗子齟孫繩繩繼繼豈徒藏之斯務明之豈徒尊之
斯務勤之其徒之賢蘇伯脩甫將以所聞往相告誡
多岐亡羊克敬克念無或怠墮請以銘鑑

鎮平縣尹劉侯遺愛之銘

今至元三年歲次丁丑冬鎮平縣尹劉侯代去校定
朱秉誠者舊楊仲賢梁國英士李昌祖等來曰侯以
元統二年冬涖縣審荒蕪課耕懇稅丁戶均差徭察
事情靖囂閔獎士類隆風化集流散遂生養嚴法令
弭偷剽始至決訟百餘皆當愬日稀薄甲不紊里社
耕學日修捕邏日謹穴剽日戢三皇宣聖廟無敝圯
俎豆諸生廢弛者日修舉遂暇無事他所赴愬憲部
府廷者用侯推決剖析無滯農書刻布民社曉耕植
繭穀果菘歲日增常平義倉之儲歲日裕懇田歲日
廣貫戶歲日衆憲暨府皆刻薦廉約清畏自始及代

三百八十二
無私謁衆日信將刻石永思以示不忘敢請予曰吾
故人也知其才惠政如此其可辭侯名益謙字恭甫
穎州太和人以勸黃府史入憲自淮荆三道掌書除
萬億寶源提控案牘擢河南行省理問所知事秩將
仕郎選充本省掾史尹縣棗陽秩承事郎尹是縣剛
毅明果奉公忘私其天性然也因據所聞系以詩其

辭曰

綿亘宛境跨帶穰邑大山盤互源泉悍急鎮曰陽館
民牧且耕金季置縣始號鎮平聖朝開濟分布諸侯
之此遙署襄府樊州中統至元遷易守令稽考焉

始復縣政令長相因六七十年豈無惠愛留此郊廩
誰如劉侯慎終如始清已仁民懷古君子今其去矣
日月有恒既挽莫及而借莫能斯琢貞珉刻頌嘉績
庶幾見聞追慕無極

記序

大元通制序

至治二年冬十有一月皇帝以故丞相東平忠憲王
之孫中書左丞相位右丞相總百官新庶務徵用老
成開明治道皇元聖聖相繼百有餘年宸斷之所予
奪廟謨之所可否禁頑戢暴仁恤黎元綽有成憲然

三百五十八
簡書所載歲益月增散在有司既積既繁莫知所統
挾情之吏用譎行私民恫政靈臺憲屢言之鼎軸大
臣恒患之仁廟皇帝御極之初中書奏允擇耆舊之
賢明練之士時則若中書右丞伯抗平章政事商議
中書劉正等由開創以來政制法程可著為令者類
集折衷以示所司其宏綱有三曰制詔曰條格曰斷
例經緯乎格例之間非外遠職守所急亦彙輯之名
曰別類延祐三年夏五月書成勅樞密御史翰林國
史集賢之臣相與正是凡經八年事未克果今年春
正月辛酉上御樓殿丞相授據本末奏宜如仁廟

制可於是樞密副使完顏納丹侍御史曹伯啓判宗
正府普顏集賢學士欽察翰林直學士曹元用以二
月朔奉旨會集中書平章政事張珪暨議政元老率
其屬衆共審定時上幸柳林之辛巳丞相以其事奏
仍以延祐二年及今所未類者請如故事制若曰此
善令也其行之繇是堂議題其書曰大元通制命狝
序之翀惟聖人之治天下其為道也動與天準其為
法也粲如列星使民畏罪遷善而吏不敢舞智御人
鞭笞斧鉞禮樂教化相為表裏及其至也民協于中
刑措不用二帝三王之盛盡於此矣雖刑罰世輕世

重而士制百姓于刑之中以教祗德古之制也聖朝
因事制宜因時立制時有推遷事有變易謀國之臣
斟酌損益以就中典生民之福也仁廟開本於先繼
志於今萬世慮也雖然明罰勅法朝廷之道揆在焉
惟良折獄哀敬折獄有司之法守親焉源則濬矣流
斯承之可不慎歟

張文忠公歸田類藁序

聖朝牧菴姚文公以古文雄天下天下英才振奮而
宗之卓然有成如雲莊張公其魁傑也公自弱齡以
才行名縉紳間仕於朝秉讜言行直道自禮部尚

參議中書請謁親濟南俄以吏部尚書召親疾終
省臺奏召至再至三至五六不起文皇即位關陝以
西兵侵旱厲民芋政荒拜行臺中丞迺起西馳及秦
民四流亡耄穉孑遺若鼎魚筏蟻天毒方熾湯沸泉
溢吏士猖蹶目瞠神駭莫克拯拔公懷惻率倡務用
仁術官帑不繼傾已囊橐日不勝給每每大慟民僅
蘇復公疾薨天子聞之惻然閔悼贈攄誠宣惠功臣
陝西等處行中書省平章政事柱國追封濱國公謚
文忠中外嗟惜無何翀使憲陝西士民談道琅琅耿
耿未始不悽愴以聽之秦人悲思樹石刊頌不忘公

三百九十七个
質厚剛毅正大明白仁於家忠於上確信不渝已善
不伐人之善推獎若不及其文淵奧昭朗豪宕妥帖
其動盪也雲霧晦冥霆砰電激其靜止也風熙日舒
川嶽融峙綽有姿容關翕頓挫辭必已出讀之令人
想像其平生千載而下凜有生氣不可摩滅斯足尚
已公素知翀其子引借其婦翁吳肅彥清持公所輯
歸田類藁三十八卷徵序因書其槩如此公諱養浩
字希孟雲莊其自號也行業履歷家乘國史有載茲
不容贅元統三年龍集乙亥二月甲寅朔中奉大
江制等處行中書省參知政事李木魯翀序

詩頌

范墳詩

宋蜀郡開國公范鎮景仁謚忠文其一世盛德偉烈
光著史籍人固知之其葬在襄城汝安鄉推賢里載
東坡集中甚詳襄城故隸汝州翀來訪問故老其墳
儼然故在已為野夫豪農耕為禾黍之區矣范氏當
金季猶有居墳左者自經兵燼不知所存拊事嘆閔
故為作詩以記其槩幸在官君子知其為先賢遺壠
庶有以處之

忠文我眉英始也跡甚微堂堂薛簡肅旌隼西南飛

其人古廉守肯持筠醬

得一偉人天下大布衣

引以賓王家光映春官闕昭陵宋仁主前星久無輝
犯諱言所難雷電每霽威雄哉鍊石手妙補天魏魏
丞相江南來雲掩扶桑暉舊德陳苦辭往往阨謗譏
諸賢抗章疏弱卒攻堅圍公力幹禹鼎正氣碎黃扉
荆舒憤至骨斥語筆自揮贈之以蕙蘭何往無芳菲
時公與司馬聲諧玉琴徽解冠挂神武甘老西山薇
九寓日瞽瞍赤子將疇依兩公幸無恙起拯或庶幾
嗣君元祐初痛洗前人非民望屬司馬欲遜天為機
帝命起公卧門久車停駢君實了吾事此外何所

清風溷寰海不啻嚴陵公既晚家許道德人所
襄城卜封竈汝潁皆京圻我來訪遺壠名姓存依稀
來仍散兵燼雨雪無留霏公名在天下豈逐薤露晞
誰能禁耕牧盛事乘新機吾力不足振感嘆徒歔歔

駐驂頌

繼天體道敬文仁武大昭孝皇帝即位修明世祖皇
帝隆平故事以故東平忠憲王之孫司徒忠簡王之
子拜住丞相中書至治元年詔若曰忠憲弼我世皇
功在社稷德在生民其勅詞臣即王所有范陽采地
朔南康莊碑之昭示悠久冬刻銘既完十有二月丞

相承詔歲事九犒工勞衆郡邑無所擾饋賀無所受
天子遣使牲牢之饗拒幣之禮數異禮隆不一而止
父老聚觀或至感泣明年春正月帝幸涿州至碑所
重瞳凝竚顧瞻有懷秋九月幸易州還丙午帳殿碑
垣之南駐輦御殿上顧丞相若曰汝祖考之績之盛
世載帝室維朕不忘亦惟汝之賢有以相朕益懋世
德故也丞相頓首謝翌日既旦太官饌已上步入帳
殿御金椅座碑右丞相稱觴獻萬歲壽從臣以次進
觴天顏和怡甚久廼去丞相諭紳曰皇上眷我祖考
至此不刻以志則未有以稱汝其銘之紳祇栗奉命

用敢叙曰

王帝開創

王孔温 哇大

師魯國

小華

定疆宇繼世國

王皆著大功忠憲王

王

有八疑然以

鉅德大人相世廟統不與下及底雍熙仁覆天下

以垂大猷以迪來哲皇下念無統之艱難守成之不

易懷往烈心公聖唐心非一介臣能闡萬一敢

即所聞具心曰

赫赫聖明嗣大寶位心昭我皇制慨想先正

孰佐我家奄奠八紘帝心我太祖疆理萬國

忠宣忠武功高輔翼雷兩方心九州掃蕪夏之民

三子九十个
國王蔭葆巍巍世皇幅員既同
成治隆忠宣之功
奕奕忠憲虎變莫測年未及冠
足著明烈端冕正妙
不動色聲僞傑在職儒碩在
廷何時不昭何陞小何奉
何絕不紹何遠不緒三十年間
毒秉鈞軸天極地端
孰匪亭毒至元始終中外人心
大耋韶童締慕至今
天日清明終古莫晦柱石廟廊
宗社永賴相國今誰
忠憲胤嗣民之望之忠憲是繼
克繼克庸滋益光大
一以至公熙我天載帝謂侍臣
丞相之賢家世所因
其勅詞垣于忠憲勛大侈以文
配永河山以竦見聞
涿鹿范陽王有采食山川蒼蒼
北拱帝極皎皎離離上上

大鼇負之德音不廟神訶護之
六龍翱翔馭日霄漢
再狩郊坰日此銘篆淵鑄昭回
駐驂永懷廓清煙霾
以霽九垓從臣焜煌千乘萬騎
能不激昂以勵忠義
世世夔契生此德門君臣道合
豈徒示恩忠憲來雲
源源齋高臣頌刊公告無既

附錄

昌按元史文靖公為學一本於性命道德而記
問宏博文章簡奧典雅深合古法用是天下學
者仰為表儀居國學最久自許文正公後以師
道自任惟耶律有尚及公而已有文集六十卷

今多不傳子遠死於忠遠婦死於節一門之美
有足尚焉昌至鄧州閱士籍得其後之習業于
官者猶自稱魯參政家云昌在菊潭識

西州名賢文表卷三十



